



Բ. Ն. ԱՌԱՔԵԼՅԱՆ

# ՀԻՆ ԱՐՏԱԾԱՏ

АКАДЕМИЯ НАУК АРМЯНСКОЙ ССР  
ИНСТИТУТ АРХЕОЛОГИИ И ЭТНОГРАФИИ

Б. Н. АРАКЕЛЯН

# ДРЕВНИЙ АРТАШАТ

ИЗДАТЕЛЬСТВО АН АРМЯНСКОЙ ССР  
ЕРЕВАН 1975

ՀԱՅԿԱԿԱՆ ՍՍՀ ԳԻՏՈՒԹՅՈՒՆՆԵՐԻ ԱԿԱԳԻԱՄԻԱ  
ՀԱՅԳԻՏՈՒԹՅԱՆ ԵՎ ԱԶԳԱԳՐՈՒԹՅԱՆ ԻՆՍՏԻՏՈՒՏ

902.6  
У-70

Բ. Ն. ԱՌԱՔԵԼՅԱՆ

# ՀԻՆ ԱՐՏԱՇԱՏ

ՀԱՅԿԱԿԱՆ ՍՍՀ ԳՐ ՀՐԱՏԱՐԱԿԳՈՒԹՅՈՒՆ  
ԵՐԵՎԱՆ 1975



Գրքույկը նվիրված է 1971—1973 թթ. Հին Հայաստանի մայրաքաղաք Արտաշատում կատարված պեղումների արդյունքներին: Պեղումների ընթացքում հայտնաբերված հուշարձանները և մեծ քանակությամբ հնագիտական հարուստ նյութերը բացառիկ արժեք են ներկայացնում Հին Հայաստանի պատմության և հայ ժողովրդի դարավոր մշակույթի ուսումնասիրության համար:

## ԱՐՏԱՇԱՏԸ ՄԱՅՐԱՔԱՂԱՎ. Ա. Ք.

«Այսպիսով, կառուցվեց մեծ ու խիստ գեղեցիկ քաղաք, որը կոչվեց քաղաքի անունով և հռչակվեց Հայաստանի մայրաքաղաք»:

ՊԼՈՒՏԱՐՔՈՍ

Արտաշատը հիմնադրվեց 180—170 թթ. մ. թ. ա. որպես մայրաքաղաք, բայց նա հայոց առաջին մայրաքաղաքը չէր, ոչ էլ հայկական առաջին պետականության քաղաքական կենտրոնը: Գրանից շուրջ 400 տարի առաջ իր կազմավորումը բոլորող հայ ժողովուրդն ունեցել էր իր անդրանիկ պետականությունը, բայց Հայաստանի հարևաններն ավելի հզոր էին, և Մարաստանը իր գերիշխանությունը հաստատեց առաջին Երվանդունիների հայկական թագավորության վրա: Մեծ էր ազատության ձգտումը, և հայոց թագավորը ապստամբեց: «Ինչո՞ւ այժմ ոչ տուրք ես վճարում, ոչ զորք ես ուղարկում և սկսել ես ամբողջուններ շինել»,—հարցնում է ահեղ արխանյանը, իշխելու իր իրավունքը տեսնելով ուժի մեջ: «Ես ազատության էի ձգտում, որովհետև լավ էի համարում, որ պետքի թե՛ ինքս ազատ լինեմ, թե՛ որդիներիս ազատության թողնեմ»,—պատասխանում է հայոց թագավորը:

Մարաստանի գերիշխանությունը երկար չտևեց, բանի որ մարական պետությունն ընկավ, տեղի տալով Աբեմենյան պարսկական տերությունը: Հայերը օգնեցին նոր պետության հիմնադիր Կյուրոսին, հուսալով թեթևացնել իրենց վիճակը,

Ք 10602 92—75  
703(02)—75

© Հայկական ՍՍՀ ԳԱ հրատարակչություն, 1975.

բայց Կյուրոսը կրկնապատկեց Հայաստանից գանձվող հարկերը:

Օգտվելով Պարսկաստանում առաջացած գահակալական կոռիւններից, հայերը այս անգամ ապստամբեցին պարսկական զերիշխանութիւնի դեմ, սակայն համառ պայքարը անկախութիւն չբերեց, իսկ Արեւմենյանների գահին տիրացաւ Գարեհ I-ը 519 թ. մ. թ. ա. վերացրեց հայկական թագաւորութիւնը:

Հարեան պետութիւնների հզորութիւնը մշտնջենական չէր, մինչդեռ հայ ժողովրդի ազատութիւնի ձգտումը անմարելի մնաց: Եվ երբ Արեւմենյան տերութիւնը թուլացաւ ու ընկավ Ալեքսանդր Մակեդոնացու հարվածներից, Հայաստանում իսկույն առաջացան պետական նոր կազմավորումներ՝ Մեծ Հայքում, Մոփքում, Փոքր Հայքում: Բավականաշափ զորեղ էր, մանավանդ, Երվանդունիների նոր թագաւորութիւնը, որը սակայն չկարողացավ վերջնականապէս միավորել Հայաստանը և մ. թ. ա. III դ. վերջերին ընկավ Արտաշեսյան թագաւորութիւնը հանդիսացավ Երվանդունիների հայկական պետութիւնի ժառանգորդը, թեև նրա տեղ գրավեց պայքարով ու պատերազմական ընդհարումներով:

III դ. վերջերին մ. թ. ա. Մեծ Հայքի Երվանդունիները և Մոփքի թագաւորութիւնները ընկան Սելեւկյանների տիրապետութիւնի ներքո: Սակայն վերջիններիս տիրապետութիւնը Հայաստանում կարճատև եղավ:

Հռոմեական զորքերից Սելեւկյանների կրած պարտութիւնից օգտվելով, Մեծ Հայքը և Մոփքը 189 թ. մ. թ. ա. ապստամբեցին և թոթափեցին Սելեւկյանների իշխանութիւնը Ապստամբութեան ղեկավար Արտաշեսը հռչակվեց Մեծ Հայք թագաւոր, Զարեհը՝ Մոփքի: Արտաշես Ա (189—160 թթ. մ. թ. ա.) հայկական հողերը (բացի Մոփքից) միավորեց մկայուն և բավականաշափ զորեղ պետութիւն մեջ և հիմնադրեց Արտաշատը իբրև միասնական հայկական պետութիւն մայրաքաղաք:

Ազատագրված Հայաստանը տնտեսական և մշակութային նշանակալից վերելք էր ապրում: Մովսէս Խորենացի

գրում է. «Բայց ասում են, թե Արտաշեսի ժամանակ մեր Հայոց աշխարհում անձշակ հող չմնաց, ոչ լեռնային և ոչ դաշտային, այնքան շենացել էր երկիրը»<sup>1</sup>:

Արտաշատ մայրաքաղաքի հիմնադրումը Արտաշես Ա-ի շինարարական գործունեութեան թագը կազմեց: Գտնվելով խիտ բնակեցված Արարատյան բարեբեր դաշտում, առևտրական ճանապարհների հանգույցում, Արտաշատը դարձավ ոչ միայն Հայաստանի, այլև Տելլեքիստական Արևելքի առավել նշանավոր և հայտնի քաղաքներից մեկը: Պատահական չէ, որ հայոց մայրաքաղաքի հիմնադրման, մեծութեան և շքեղութեան մասին ժամանակին հիշուվել են ավանդութիւններ և գրի են առնվել ուշագրավ տեղեկութիւններ: Հին աշխարհի հռչակավոր աշխարհագետ Ստրաբոնը խոսելով Արտաշատի հիմնադրման մասին, գրում է. «Այս վերջինը գեղեցիկ է շինված և երկրի թագաւորանիստ քաղաքն է: Նա գտնվում է զետածոցում, որը նման է թերակղզու և նրա շուրջը, բացի պարանոցի մասից՝ գետի առջև ձգվում է պարիսպը, իսկ պարանոցը փակված է խրամով և պատվարով»<sup>2</sup>:

II դ. հուլյն պատմիչ Պլուտարքոսը նույնպէս խոսելով Արտաշատի հիմնադրման մասին, ասում է. «Այսպիսով կասուցվեց մեծ ու խիստ գեղեցիկ քաղաք, որն անվանվեց թագաւորի անունով և հռչակվեց Հայաստանի մայրաքաղաք»<sup>3</sup>:

Նոր մայրաքաղաքի հիմնադրումը Արտաշես թագաւորի կողմից պատմական նշանակութիւն ունեցող իրողութիւն էր, ուստի նրա արձագանքները շուրջ յոթ դար անց հասել են Մովսէս Խորենացուն, որն արձանագրել է նաև ավանդաբար պահպանված ինչ-ինչ մանրամասնութիւններ. «Արտաշատը գտնվում է այն տեղը, որտեղ Երասխը և Մեծամորը խառնրվում են, և այնտեղ բլուրին հավանելով քաղաք է շինում և իր անունով կոչում է Արտաշատ»: Ապա Խորենացին պատմում է, որ Արտաշատում մեհյաններ են կառուցվում և այստեղ են փոխադրվում Բագարանից Արտեմիսի (Անահիտի) և

<sup>1</sup> Մովսէս Խորենացի, Գիրք 2-րդ, գլ. ԾԶ:  
<sup>2</sup> Strabo, XI, 14, 6.  
<sup>3</sup> Plut., Lucullus, XXXI, 5.

թագավորի նախնիների արձանները, իսկ Երվանդաշատ քաղաքից՝ բոլոր վայելչությունները, ինչ Երվանդը տարել էր Արմավիրից և ինչ որ հենց ինքն էր ավելացրել: Ավելի շատ բան էլ իր կողմից շինելով Արտաշեսը հարդարում է Արտաշատը իբրև արքայանիստ քաղաք<sup>4</sup>: Արարատյան արգավանդ դաշտի արտերի, այգիների և ծառաստանների առատ բերքը, բազմաթիվ արհեստների արտադրանքը և Մերձավոր Արևելքի միջազգային առևտրի կարևորագույն կենտրոններից մեկը լինելու հանգամանքը նպաստեցին Արտաշատի արագ աճին և շուտով այն դարձավ Հայաստանի խոշորագույն տրնտեսական և մշակութային կենտրոնը: Մեծացավ նաև մայրաքաղաքի վարչա-քաղաքական նշանակությունը: Արտաշատը դարձավ հայոց աշխարհի սիրտը և հայկական հողերի միավորող կենտրոնի՝ մայրաքաղաքի դերը կատարեց շուրջ 500 տարի:

Արտաշատն ապրեց հին դարաշրջանում հայ ժողովրդին բաժին ընկած պատմական բախտով, որը հասարակական, քաղաքական, տնտեսական և մշակութային աչքի ընկնող առաջադիմության հետ միասին նրան բերում էր նաև սեփական պետականությունը և անկախությունը օտարների ոտընձգություններից պաշտպանելու համառ և տեսական մաքառում, նաև ավեր, կողոպուտ և անկում:

Գեոևս Լուկուլուսը Արտաշատը համարում էր Հռոմին ընդդիմադիր պետության խոշոր կենտրոն, ինչպես մի ժամանակ Կարթագենն էր և սպառնում էր վերջինիս բախտին արժանացնել, այսինքն՝ հիմնահատակ ավերել «հայկական Կարթագենը»: Այդ բանը նրան չվիճակվեց, սակայն, 120 տարի անց, մ. թ. 59 թ. գարնանը Արտաշատը ավերեց և հրկիզեց հռոմեական մի այլ զորավար՝ Կորբուլոնը:

Առաջին դարի 60—70-ական թվականներին Արտաշատը վերաշինվեց և շարունակեց խաղալ մայրաքաղաքի իր խոշոր դերը: 116 թ. հռոմեական զորքերը Տրայանոս կայսեր գլխա-

<sup>4</sup> Տե՛ս Մովսես Խորենացի, Գիրք 2-րդ, գլ. ևԹ:

վորությունը կրկին գրավեցին Արտաշատը, բայց մի տարի անց ստիպված եղան հեռանալ:

163 թ. հռոմեական զորքերը պաշարում և վերցնում են Արտաշատը: Նվաճողները մտադիր էին Հայաստանը դարձնել Հռոմի մի նահանգը, սակայն նրանց դեմ այս անգամ էլ ոտքի կանգնեց հայ ժողովուրդը և, ինչպես երևում է, ապստամբության կենտրոնը Արտաշատն էր:

164 թ. մայրաքաղաքը, մասամբ ավերված Արտաշատից, տեղափոխվեց Վաղարշապատ, որն անվանվեց Կայնե Պոլիս՝ նոր քաղաք:

Արտաշատը այնուամենայնիվ պահպանում էր առաջին մայրաքաղաքի դերը, մինչև նրա շուրջ առաջացած ճահիճների և վատ օդի պատճառով հայոց Խոսրով Կոտակ թագավորը (332—338) իր արքունիքը տեղափոխեց Դվին:

Ինչպես երևում է, դրանից հետո էլ Արտաշատը մնում էր խոշոր քաղաք, բայց հետո նրան սպասում էր մի նոր՝ ծանր, կարելի է ասել, կործանիչ հարված: 360-ական թվականներին Հայաստան ներխուժեց Սասանյան Իրանի Շապուհ I շահի բանակը, որը գրավեց և ավերեց հայկական քաղաքները, գրանց թվում և Արտաշատը, գերի տանելով նրա բնակիչներին: V դ. նշանավոր պատմիչ Փավստոս Բուզանդի վկայությամբ պարսից զորքերը «Եկին ի քաղաքն մեծ յԱրտաշատ, և առին զնա, և կործանեցին զպարիսպ նորա. առին անտի զգանձս մթերեալս՝ որ կային, և գերեցին զամենայն քաղաքն: Եւ խաղացուցին ի յԱրտաշատ ի քաղաքէ ինն հազար տուն եւ հրեայս, զոր ածեալն էր գերի Տիրարնայ Արքայի Արշակունուց յերկրէն պաղեստինացոց և քառասուն հազար երդ հայ, զոր յԱրտաշատ քաղաքէ խաղացուցին: Եւ զամենայն շինուած քաղաքին հրձիգ տրարին զփալտակերտն, և զքարակերտն քանդեցին»: Քարը քարի վրա շիտղեցին և քաղաքը անմարդաբնակ դարձրին, ավելացնում է պատմիչը<sup>5</sup>:

<sup>5</sup> «Փատոսոս Բուզանդացոյ պատմութիւն Հայոց», Վենետիկ, 1839, էջ 176:

Որքան էլ շափազանցված լինեն պատմիչի նշած թվերը, նրանք վիճարկում են, որ Արտաշատը IV դ. 60-ական թթ. ղեկուս խոշոր քաղաք էր: Դրանից հետո Արտաշատը անկում էր ապրում, թեև ավանդաբար պահպանում էր միջազգային սարանցիկ առևտրի հանգույցի և պահեստատեղիի հնից եկող նշանակությունը:

VII դ. երբեմնի խոշոր և ծաղկյալ քաղաքի տեղում մնում էր մի փոքր ամրոց և մի ավան, որի բնակիչները զբաղվում էին սրղան կարմիր ներկի արտադրությամբ և գրանով թել ու գործվածքներ ներկելու արհեստով: Այնուհետև Արտաշատը անհետացավ պատմության թատերաբեմից և երկար ժամանակ հայտնի չէր նույնիսկ նրա տեղը: Մանավանդ Մեծամոր գետը, որը հնում իրոք մեծ գետ էր և, իր մեջ առնելով Մեծամորի (Սևչրի), Քասախի, Հրազդանի և Ազատ գետի ջրերը, Արաքսին միանում էր Արտաշատի մոտ, հետագայում փոխելով իր ընթացքը խառնվում է Արաքսին, միանալով միայն Քասախի հետ, իսկ, ինչպես տեսանք, խորենացին վկայում է, որ «Արտաշատը գտնվում է այն տեղը, որտեղ Նրասիսը և Մեծամորը խառնվում են»:

Նվրոպական ճանապարհորդները, ինչպես և Ղևոնդ Ալիշանը և ուրիշներ, Դվինի ավերակները շփոթել են Արտաշատի հետ: Ն. Յա. Մառը ղեկուս 1899 թ. հետախույզական պեղումներ կատարեց Վ. Արտաշատ գյուղի մոտ գտնվող հնավայրի միջնաբերդում, բայց սահմանափակ ծավալի այդ պեղումները հնարավորություն չտվեցին նրան պարզելու Արտաշատն է այդտեղ գտնվել, թե՞ Դվինը:

Արտաշատի տեղը հայտնի է դարձել ղեկուս 1920—30-ական թթ., թեև տարակուսանքներ մնում էին:

Հին Հայաստանի քաղաքների ուսումնասիրությունը ղեկուս սահմանափակ էր. պեղվում էին միայն Գառնին և Արմավիրը, իսկ Արտաշատի պեղումները կարող էին բազմազան և կարևոր նյութեր երևան բերել հին Հայաստանի պատմության և նյութական մշակույթի մի շարք հարցերի լուսաբանության համար, ուստի դարձել էին անհետաձգելի անհրաժեշտություն:

1967 թ. Արտաշատ հին քաղաքի մոտ Փոքր Վեդի գյուղի ծայրին հայտնաբերված լատիներեն արձանագրությունները<sup>6</sup> առիթ ծանայեցին ավելի հանգամանորեն ծանոթանալու Արտաշատի տեղանքին, մասամբ էլ մղեցին շուտով ձեռնարկելու հին Հայաստանի փառաբանված մայրաքաղաքի պեղումները, որոնք սկսվեցին 1970 թ. Հայկական ՄՍՀ գիտությունների տեղագրության հնագիտության և ազգագրության ինստիտուտի հնագիտական արշավախմբի ջանքերով և տեղիու են երկար տարիներ:

Ընդամենը երեք տարի է, ինչ պեղումները կատարվում են, տարեկան 2—3 ամիս տևողությամբ, իսկ արդյունքները ավելի քան գոհացուցիչ են:

#### ԱՐՏԱՇԱՏԻ ՏԵՂԱՆՔԸ ԵՎ ՏԱՐԱԾՔԸ

Պեղումները նախապատրաստելու նպատակով, սկսած 1967 թ. ամեն տարի կատարվում էին հնագիտական դիտումներ Արտաշատի տեղանքում: Իսկ 1970 թ. աշխատանքները սկսվելուց առաջ հնագիտական արշավախումբը մի քանի օր շարունակ խմբովին շրջում էր բլրից-բլուր և դաշտից-դաշտ, որոնում հին քաղաքի հետքերը, հողի մակերեսից հավաքում հնագիտական նյութեր հին քաղաքի տեղանքի, գոյության ժամանակաշրջանի կամ տևողության վերաբերյալ ավելի սրտշակի պատկերացում կազմելու, ինչպես և պեղման տեղամաս բնտրելու համար:

Պարզվեց, որ քաղաքը տեղադրված է եղել խորվիրապի բլրախմբի բլուր բլուրների վրա և նրանց առջև փոված դաշտերում:

<sup>6</sup> Բ. Ն. Ասաֆյան, Լատիներեն արձանագրություններ Արտաշատ մայրաքաղաքից, «Պատմա-բանասիրական հանդես», № 4, 1967, էջ 302—311; Б. Н. Аракелян, Латинские надписи из столицы древней Армении—Арташата. «Вестник древней истории», Москва, 1971, № 4, стр. 114—118.

Քրիստոսը բազկացած է ինը բլուրներից, որոնցից երեքը մեծ են, երեքը՝ միջին, իսկ երեքը՝ փոքր: Բոլոր բլուրներն էլ շրջապատված են եղել պարիսպներով: Բնակության հետքեր նկատելի են նաև գլխավոր բլրախմբից մոտ կես կիլոմետր արևելք գտնվող երկու բլուրների և այլ բարձունքների վրա:

Գլխավոր բլրախմբի հարավ-արևելյան մասում է բարձրանում այն բլուրը, որի վրա մինչև օրս պահպանվում է հին Արտաշատի խորվիրապ կոչվող հորը, որտեղ նետում էին մահապարտներին և ըստ ավանդության Տրդատ Գ թագավորը այնտեղ է նետել Գրիգոր Լուսավորչին: Այս բլրի վրա հնում եղել են շենքեր, վաղ միջնադարում՝ եկեղեցի: XIII դ. այստեղ հիմնադրվել է վանք և բարձր տիպի վանական դպրոց, որի ուսուցչապետը եղել է բազմահմուտ գիտնական, վարդապետ Վարդան Արևելցին: Սակայն այդ վանքի հետքերն էլ չեն պահպանվել. այժմ կանգնած են խորվիրապի XVII դ. կառուցված վանքի շենքերն ու պարիսպը:

Քաղաքի թաղամասերը դեպի հարավ և հարավ-արևելք փոփվել են մինչև Արաքսի ափը և մինչև այժմյան Լուսառատ գյուղը: Դեպի արևելք քաղաքի թաղամասերը նկատվում են նոր կյանք գյուղի արտերի մեջ, իսկ դեպի հյուսիս և հյուսիս-արևելք՝ Փոքր Վեդի գյուղի արտերի մեջ: Բլուրներից արևմուտք տարածվում են ճահիճներ, որտեղ բնակության հետքեր չեն նկատվում, միայն կենտրոնական և հարավային բլուրների դիմաց փոփված դաշտում նկատվում են ամբարտակի մնացորդներ, իսկ նրանցից ներս բացվեցին մ. թ. առաջին դարերի թաղամասեր:

Հյուսիսային և արևելյան կողմում, բլուրների և արհեստական ամբարտակի միջև մինչև այժմ նկատվում է ջրով լցվող պաշտպանական ընդարձակ փոսը (խրամը) (նկ. 2): Կենտրոնական բլրի արևելյան ծայրից ամբարտակ է ձգվում նաև դեպի վանքի բլուրը և այժմ այս ամբարտակի վրա տեղավորված է մերձակա գյուղերի գերեզմանոցը:

Ինը բլուրները իրենց լանջերով և փեշերով մինչև արևելյան ամբարտակը և գերեզմանոցը գրավում են ավելի քան

100 հա տարածություն, իսկ դաշտերում փռված թաղամասերը շատ ավելի ընդարձակ տարածություն են գրավել, սակայն քաղաքի սահմանները որոշել այժմ հնարավոր չէ. այն կպարզվի հետագա պեղումներիով:

Բլուրներից 400—500 մ. հյուսիս-արևելք, դեպի Փոքր Վեդի գյուղը ձգվող դաշտերում նկատվել են բնակության հետքեր, որանց թվում կղմինդրով ծածկված տանիքով, որմնանկարներով զարդարված շենքի հետքեր: Դժվար է ասել, թե քաղաքի թաղամասերը հասել են Փոքր Վեդի գյուղին, որի հարավային ծայրում 1967 թ. գտնվեցին լատիններեն արձանագրություններ, սյունների երկու խարիսխներ (արդեն տեղաշարժված), կրաշաղախով և ծեծած կղմինդրով պատրաստված հատակի բեկորներ, աղորիքներ և անտիկ դարաշրջանի հատարակ և գունազարդ խեցեղենի բեկորներ: Արձանագրություններից մեկը հոռոմեացի զինվորի տապանաքար է, իսկ մյուսի վրա, Տրայանոս կայսեր բազում տիտղոսների թվարկումից հետո ասված է, որ սկյութական IV լեգեոնը կատարեց կամ կառուցեց: Իսկ ի՞նչ է կառուցել սկյութական լեգեոնը՝ ռազմական ճամբար, գերեզմանոց, թե՞ մեկը և մյուսը միասին, կամ այլ կառուցվածքներ, առանց պեղումների գժվար է ասել:

Կատարված հնագիտական տեղագրական դիտողությունները թույլ են տալիս պնդելու, որ Արտաշատը եղել է շատ ավելի մեծ քաղաք, քան կարելի է պատկերացնել: Այն գրավել է ընդարձակ տարածություններ Արաքս գետի ձախ ափին, ուղիղ վեհանիստ Մանի դիմաց:

#### ՊԱՐԱՊԻ ԵՎ ՇԵՆՔԵՐԻ ԼԵՏՔԵՐԸ

Վերևում նշվեց, որ պարսպով շրջափակված են եղել խորվիրապի բոլոր բլուրները, բայց դրանք կառուցվել են ոչ

7 Ք. Ն. Առաքելյան, նշվ. հոդվ., էջ 308:

Թե իրարից անջատ, այլ կազմել են մի միասնական, ընդարձակ և հզոր պաշտպանական համակարգ: Կողք-կողքի գտնվող կամ կից բլուրներն օղակող պարիսպները միացած են իրար, նրանց միջև գտնվող ցածրադիր մասում կառուցված զուգահեռ պատերով կազմված միջանցքներով: Պարսպի հետքերը նկատելի են բոլոր բլուրների շուրջ, բայց տեղ-տեղ, նրանք բոլորովին չեն պահպանվել, քայքայվել են անգամ նրանց հիմքերի տակի ժայռերը: Պարիսպը կառուցված է եղել տեղական կարմրավուն, կարծր, բայց ճեղքեր տվող և քայքայվող քարից, օգտագործվել է նաև տեղական մոխրավուն մարմարը, ոչ սրբատաշ, կոպիտ մշակմամբ (նկ. 3): Վեմերով շարված են եղել հավանաբար պարսպի հիմքերը, իսկ վերևում թիրև եղել է հում աղյուսի շարվածքը, որի հետքերը երևան եկան հյուսիսային (№ 1) բլրի պարսպի ուրու հատվածներում:

Պարիսպը վարպետորեն հարմարեցված է տեղանքին, մեկ դուրս, մեկ ներս թեքվելով և անկյուններ կազմելով հնարավորություն է ընձեռել՝ թշնամուն հարվածելու և ձակատից, և՛ թևերից, իսկ բլուրների անկյուններում կանգնեցված են եղել կիսաշրջանաձև կամ 2/3 շրջան կազմող աշտարակներ:

Ամենամեծ և բարձրադիր բլրի հյուսիս-արևելյան լանջին պեղումներով բացվեց պարսպի երկու գիծ: Արտաքին պարսպից, որն ավելի հինը, նախնականն է, պահպանվել են լավ մշակված քարերից շարված հիմքերը կանոնավոր հեցապատերով (կոնտրֆորաններով) և անկյունային կիսաշրջան աշտարակով: Ներքին պարիսպը կառուցված է ավելի ուշ, առաջինին զուգահեռ և երկուսի միջև թողնված է 40—70 սմ նեղ միջանցք: Ներքին պատը բացված է 2—3 մետր բարձրությամբ և ամբողջովին շարված է ճեղքված քարերով: Այս պատի մեջ տեղ-տեղ հանդիպում են ավելի հին, հավանաբար արդեն ավերված շենքերից վերցված լավ մշակված սրբատաշ քարեր, որմնասյան բեկորներ՝ կրաքարից:

Պարսպի այս հատվածի պեղումների ժամանակ արշավախումբը անակնկալի հանդիպեց: Հայտնաբերվեցին ուրար-

տական կարասների, ձրագների և այլ խեցեղենի բեկորներ, իսկ № 1 բլրի վրա գտնվեց նաև ուրարտական կնիք՝ բրմերի կամ աստվածների մաշված և հազիվ նկատելի պատկերներով:

Ուրեմն ուրարտացիները եղել են Արարատյան դաշտի նաև արևելյան հատվածում: Դա, իհարկե, անսպասելի չէր: Ուրարտացիները տիրելով Արարատյան արգավանդ դաշտին և մեծամեծ եկամուտներ ստանալով այստեղից, չէին կարող անուշադրությամբ մատնել նրա մի մասը: Եթե նկատի ունենանք, որ ուրարտական արձանագրությունները գտնվել են Մակվի մոտերքը, հարավային Ադրբեջանում, իսկ հյուսիսում նրանք հայտնի են Սևանա լճի հարավ-արևելյան մասում, ապա բոլորովին էլ զարմանալի չի լինի, եթե մի օր ուրարտացիների հետքերը երևան գան ավելի հարավում, ասենք՝ Նախիջևանի ինքնավար հանրապետության սահմաններում կամ հարևան շրջաններում:

Միանգամայն հաստատ է, որ Խորվիրապի բլուրները չեն վրիպել ուրարտացիների ուշադրությունից, բայց նրանք այստեղ ամբողջ կառուցել են, թե ոչ՝ կարող է պարզվել հետագա պեղումներով: Անկախ այդ հանգամանքից և ավելի ուշ շրջանի երկրորդ պարսպի կամ նրա առանձին հատվածների առկայությունից, Արտաշատի հիմնադրման ժամանակ կանգնեցված հիմնական պարիսպը կառուցված է ամբողջաշինության պահանջների հմուտ կիրառմամբ և աչքի է ընկնում իր ընդարձակությամբ: Ուշագրավ է, որ հռոմեական պատմիչ Տակիտոսը 59 թվականին Արտաշատի ավերումը և հրկիզումը հռոմեացիների կողմից փորձում է արգարացնել րադաքի պարիսպների ընդարձակությամբ:

Նա գրում է. «Քաղաքը հրի ճարակ դառնալով հիմնահատակ կործանվեց, որովհետև պարիսպների ընդարձակության պատճառով կարելի չէր պահել այն, առանց պահպանների հզոր գնդի և մենք բավական զորք չունեինք՝ և քաղաքը պահելու, և պատերազմելու համար, իսկ եթե այն կանգուն և անպահասան թողնվեր՝ կկորչեին քաղաքի առ-

ման և փառքը, և օգուտը»<sup>8</sup>։ Տակիտոսը արդյո՞ք այն պարսպների ընդարձակութունն է նկատի ունեցել, որոնց հետքերը երևում են բլուրների վրա, թե՞ եղել են պարսպներ նաև հարթավայրում փոփած թաղամասերի շուրջը, առայժմ պարզ չէ, թեև Ստրաբոնի հիշատակությամբ քաղաքի շուրջը և գետի առջև ձգված է եղել պարսպ։

Պարսպի հաստությունը տարբեր մասերում տարբեր է և 2,20 մ հասնում է մինչև 4,80 մետրի։ Հնագետի զննող աչքը, ինչպես պարսպի, նույնպես և շենքերի հիմնապատերի հետքեր կարող է նկատել Խորվիրապի բոլոր բլուրների վրա։ Շենքերի հետքեր տեղ-տեղ երևացին նաև հարթավայրում՝ բլուրներից հարավ և արևելք։

Միայն պեղումները կարող են պարզել շենքերի բնույթը և շինարարական սկզբունքներն ու առանձնահատկությունները, փաստական նյութեր տալ լուսաբանելու հինավուրց քաղաքի կյանքին, կենցաղին և մշակույթին վերաբերող շատ հարցեր։ Այդ նպատակով էլ Արտաշատի հնագիտական արշավախումբը ձեռնարկեց քաղաքի պեղումները, աշխատանքը կենտրոնացնելով առաջին հերթին բլրախմբի հյուսիսային ծայրի (№ 1) բլրի վրա և 1973 թ. ավարտեց նրա համատարած պեղումները։ Բլուրը շրջափակված է ոչ շատ կանոնավոր եռանկյունու տեսք ունեցող պարսպով։ Երեք կողմերից պարսպին հարում են բնակելի սենյակներ և դարբնոց-զինագործական արհեստանոցներ։ Հյուսիս-արևմտյան և հյուսիս արևելյան կողմերում այս կացարանների և արհեստանոցների շարքը ոչ լայն միջանցքով անջատված է ավելի ներս ընկած շենքերից։ Այդ հանգամանքը դյուրացնում էր զինվորների շարժումը պարսպի մի հատվածից մյուսը, իսկ միջանցքից տեղ-տեղ անցում է թողնված դեպի պարսպի աշտարակները և անկյուն կազմող մասերը։ Բլրի հարավ-արևելյան կողմից կացարանների և արհեստա-

<sup>8</sup> Tacit, Annales, XIII, 41. Օգտվել ենք Ի. Հյուբոուզյանի Քաղաքա-նութունից (վերածելով աշխարհաբարի), Վենետիկ, 1873, էջ 367։

նոցների շարքը անմիջապես հենվել է պարսպին և դեպի ներս նրանց մուտքերը բացվել են բակի վրա։ Միանգամայն ակնհայտ է, որ բլուրը կառուցապատվել է միասնական նախագծով։ Բլրի վրա պարզ նկատվում է շինարարական երկու շրջան։ Առաջին շրջանի շենքերը քանդվելուց կամ ավերվելուց հետո, բլուրը կրկին կառուցապատվել է նախկինը հիշեցնող նախագծով, միայն թե միջանցքները փոքր-ինչ ավելի են մոտեցվել պարսպին։

Բոլոր շենքերը կառուցված են տեղական ձեղքված և կոպիտ մշակված, ոչ սրբատաշ քարերով և հավանաբար ունեցել են կավե սվաղ, մանավանդ այստեղ այլ սվաղի հետքեր չեն հայտնաբերվել։ Դարբին զինագործի արհեստանոցներից երկուսը կառուցված են միևնույն նախագծով և ունեն երեք բաժանմունք՝ քուրայի, ընդհանուր սենյակներ և քուրայի սենյակին կից միջանցք՝ հավանաբար վառելիքի համար, միայն բաժանմունքների շափերն են տարբեր։

Ավելի լավ են պահպանվել հյուսիս-արևելյան հատվածի կացարան-սենյակները, որոնց պատերը տեղ-տեղ կանգուն են մնում 2—2,60 մ. բարձրությամբ։ Սենյակներից մեկում դրված է կրաքարից փոքր շափերի երկու խարիսխ՝ հավանաբար փայտյա սյուների համար։

Պարսպին հարող բնակելի սենյակները հատակագծով և կառուցվածքով մեծ մասամբ նման են իրար։ Հավանաբար դրանք եղել են զինվորական կացարաններ (նկ. 5)։

Միջանցքներից ներս ընկնող սենյակներն ավելի ընդարձակ են։ Նրանցից մեկի մեջ տեղադրված էին կարասներ, որոնց մեջ նավթ (մազուիթ) է լցված եղել։ Ինչպես երևում է, այս բլուրը բնակեցված է եղել զինվորականներով և նրանց բնտանիքներով։

Այս բլրի վրայի կառուցվածքները ավերվել են երկիցս և երկու անգամ էլ հրկիզվել են։ Հրդեհի հետքերը նկատելի են ամենուրեք։ Շենքերի մի մասն ունեցել է հարթ ծածկ, զերանների վրա փոփած է եղել եղեգն, որի հետքերը վառված վիճակում պարզ նկատելի են ծածկերի փլվածքների տակ։ Պետք



է ենթադրել որ բլրի կառուցվածքները առաջին անգամ թըշնամին ավերել է մ. թ. ա. II—I դդ. սահմանագլխին, երկրորդ անգամ՝ մ. թ. 59 թ. գարնանը, երբ Կորբուլունի գլխավորած հռոմեական լեգեոնները ամբողջապես ավերեցին և հրկիզեցին հայոց մայրաքաղաքը:

1973 թ. ավարտելով № 1 բլրի պեղումները, արշավախումբը աշխատանքները տեղափոխեց բլրախմբի հարավարևմտյան կամ Արաքսի ափին մոտեցող, ծայրի № 8 բլրի վրա: Այստեղ ևս բացվեցին պարսպի առանձին հատվածների հետքեր և բազմաթիվ շենքերի հիմնապատեր, որոնք դասավորված են պարսպին զուգահեռ ընթացող միջանցք-փողոցի երկու կողմերում, արտաքին շարքով հարելով պարսպին: Այստեղ նկատելի են շինարարական տարբեր, նույնիսկ երեք-չորս շրջանների հետքերը: № 8 բլրի վրա ևս կյանք սկսվել է մ. թ. ա. II դ., քաղաքի հիմնադրման օրից, և ի տարբերություն № 1 բլրի, հարատևել է մինչև IV դ.: Այլ խոսքով, այս բլրի վրա հայտնաբերված թե՛ հարտաբապետական կառուցվածքները և թե՛ հնագիտական նյութերը վերաբերում են Արտաշատ քաղաքի գոյության համարյա ամբողջ ժամանակաշրջանին և դրանով իսկ մեծ հետաքրքրություն են ներկայացնում:

№ 8 բլրի վրա ևս շինարարությունը կատարված է միասնական նախագծով և միևնույն սկզբունքով, ինչ № 1 բլրի վրա: Բացված միջանցք-փողոցի երկայնքով երկու կողմերից ձգվում են շենքերի արտաքին պատերը, որոնք մի ամբողջական գիծ են կազմում, իսկ ներսում բացվում են սենյակների բաժանմունքները: Շինարարական երկրորդ և հետագա շրջանում միջանցք-փողոցի և շենքերի նախնական գծագրի որոշ խախտումներ են նկատելի: Փողոցի վրա կառուցված է եղել նաև մի բաղնիք՝ տվյալ թաղամասի բնակչության սպասարկման համար: Այն ունեցել է կրկնակի հատակ և ընդհատակային ջեռուցման սիստեմ: Վերին աղյուսաշար հատակը փովել է քառակուսի կտրվածք ունեցող կավե սնամեջ հենակների վրա, որոնց հանդիպակաց երկու կողքերին բացված են

փոքրիկ պատուհաններ՝ ջերմ օդի թափանցման համար (նկ. 1): Բաղնիքը բացվել է շինարարական երրորդ շերտում, ունի անտիկ բաղնիքների բնորոշ, բայց պարզ կառուցվածք և նավանարար կառուցվել է մ. թ. III դ.: Այս թվագրությունը չեն հակասում նաև բաղնիքի ներսում ու շուրջը հայտնաբերված խեցեղենը և հնագիտական այլ նյութերը: Բաղնիքից ոչ հեռու բացվեցին իրար կից ջրավազանների մեկը մեծ, երկուսը փոքր: Դրանց պատերը կառուցված են կրաշաղախով, որի մեջ ագուցված եղևնի ցողունների տեղերում պահպանում են ուղղահայաց անցքեր: Ավազանների հատակներին շարված են եղել թրծած աղյուսներ: Ինչպես երևում է, ավազանը բաղնիքի հետ կապված չէ:

Արշավախմբի մի ջոկատը պատմական գիտությունների թեկնածու ժ. Գ. Խաչատրյանի գլխավորությամբ պարսպի և շենքերի հետքեր բացեց նաև հարևան՝ № 7 բլրի վրա, որտեղ նույնպես շինարարական տարբեր շերտերի առկայությունը ակնհայտ է:

Արշավախմբի համարակալմամբ № 2 բլրի վրա, որն ամենամեծն է ու բարձրագիբը, նկատելի են անտիկ դարաբրանի բազմաթիվ շենքերի հետքեր, որոնց պատերը շարված են տեղական կարմրավուն մեղքված քարերով: Սակայն այս բլրի վրա ընդարձակ տարածությամբ թափված են կրաքարի մանր ու մեծ տաշվածքներ, ուստի պետք է ենթադրել, որ այստեղ եղել են սրբատաշ կրաքարից կառուցված գուցե և սյունադարձ նշանավոր շենքեր: Այդ բանը հաստատող նշաններ էլ կան: Այստեղ գտնվել է կրաքարից պատրաստված սյան խարխուս և քիվի բեկոր՝ լավ մշակված և անտիկ քրանին բնորոշ գեղեցիկ անցումներով: Բլրի գագաթին ևս նավանարար եղել են աչքի ընկնող շենքեր, սակայն այժմ այստեղ պահպանվում են վաղ միջնադարյան փոքրիկ ամրացի բավականին հաստ պատերը՝ կրաշաղախ միջուկով և երեսապատման քարերով: Այս վաղ միջնադարյան ամրացիկը երբեմնի մեծ և ծաղկյալ քաղաքի կյանքի ավարտին գրված վերջահետն է եղել:

Սրբատաշ կրաքարից կառուցված և սյունազարդ շենքերը, ինչպես երևում է, շատ են եղել Արտաշատում, քան որ քաղաքի տարածքի տարբեր մասերում, հին և նոր գերեզմանոցներում հանդիպում են ավերված շենքերի քարեր միացման երկաթե գամերի համար արված փոսիկներով, ինչպես և սյուների խարխոխներ (նկ. 8): Վերջիններիս չափեր տարբերությունները վկայում են, որ նրանք ծագում և տարբեր շենքերից: Գտնվել են նաև սյուների լավ մշակված գլաններ (նկ. 9): Դրանցից մի քանիսը Արտաշատի հին շենքերի ավերակներից XIX դ. տարվել են Արարատ գյուղը՝ օգտագործելու այստեղ կառուցվող եկեղեցու համար և այժմ ընկած են այդ եկեղեցու շուրջը, իսկ առանձին մասեր զրվա են եկեղեցու մուտքի առջև և ներսում: Դրանց՝ անտիկ Արտաշատին պատկանելը կասկածից դուրս է, մանավանդ նրան վրա պահպանվել են գլանների տարբեր մասերը իրար միացնելու երկաթե գամերի համար արված փոսիկները: Անտիկ դարաշրջանի ավելի փոքր չափերի սյուների երկու գլան և խարխոխների բեկորներ գտնվել են Արտաշատի շրջան Աղատավան գյուղում: Այժմյան Արարատ քաղաքի մոտ հանքերից բերված մանրահատիկ կրաքարը լավ մշակված հղկված վիճակում իր տեսքով հիշեցնում է մարմարը: Այդ պիսի սպիտակ քարից կառուցված շենքերը շքեղություն էի հաղորդում քաղաքին: Շենքերը ունեցել են ճարտարապետական հարդարանք-որմանակարներ: Նրանց քանդակների առաջժամ գտնվել է մի փոքրիկ բեկոր: Շենքերի սենյակներ ներսից ունեցել են կրաշաղախից պատրաստված ձևավոր քիվեր, որոնց տարբեր չափերի նմուշները գտնվել են Բլուրներից բավականաչափ հեռու՝ հարթավայրում, վարաարտի մեջ, մի հին շենքի տեղից հավաքված սվաղի բեկորները, 7—8 գուլնի ներկված, վկայում են, որ շենքերը հարգարվել են նաև որմնանակարներով: Գուլներից մանավանդ կարմիրը իր տարբեր երանգավորումներով, նարնջագույնը դեղինը, երկնագույնը, սևը, սպիտակը աչքի են ընկնում իրենց հստակ երանգներով: Պետք է հուսալ, որ հետագայում

կրայվեն որմնանկարների, ինչպես և խճանկարների հետքեր և նմուշներ:

Շենքերը մասամբ ծածկված են եղել թրծած կավե կղմինդրներով, որոնց շատ օրինակներ գտնվել են քաղաքի տարբեր մասերում: Կղմինդրներն ունեն անտիկ դարաշրջանին բնորոշ ձևավորում, իսկ շատերի արտաքին մակերեսը ծածկրված է կարմիր ներկով:

Արտաշատը ունեցել է ջրմուղ, որի գծերի կավե խողովակներ գտնվել են անգամ բլուրների վրա: Առաջժամ դժվար է ասել, թե որտեղից է ջուր բերվել քաղաքը, համենայն պես Արաքսի ջուրը չէր կարող բարձրացվել բլուրների վրա:

#### ՊԱՇՏՊԱՆԱԿԱՆ ՄԻՋՈՑՆԵՐ

Արտաշատը գտնվելով Արաքսի և Մեծամորի միացման մոտ, երկու գետերի միջև ընկած տարածքում, պաշտպանված է եղել ջրային հզոր պատնեշներով: Արաքսի վրա նետված Տափերական կոշվող կամուրջը գտնվում էր անմիջապես քաղաքի առջև և հավանաբար քաղաքի պարսպից պարբար բացվում էր նրա վրա և այստեղից մայր ճանապարհը տանում էր հարավ-արևմուտք՝ դեպի Տիգրանակերտ: Մեծամորի վրա նետված կամրջից սկիզբ առնող ճանապարհը հյուսիս-արևմտյան ուղղությամբ տանում էր դեպի Վաղարշապատ, իսկ հարավ-արևելյան ուղղությամբ՝ դեպի Իրան:

Գետերով պաշտպանված լինելով հանդերձ, ինչպես նրբվեց, քաղաքն ուներ պաշտպանության արհեստական հզոր համակարգ, բաղկացած ընդարձակ պարիսպներից, ջրով լցված փոսից և ամբարտակներից:

Քաղաքի պաշտպանները գործադրել են ժամանակի համար բնորոշ բոլոր միջոցները՝ նետ-աղեղ, տեգ (նետվող փոքր նիզակ), քարնետ մեքենա (բաղիստը կամ կատա-

պուլտ), պարսատիկ: Արտաշատում, դրսից, պարսպի տա-  
հայտնաբերված են մեծ քանակությամբ և տարբեր չափսի կլո-  
քարեր, որոնց մի մասը հավանաբար օգտագործվել է քարենե-  
մեքենայով, ձեռքով և պարսատիկով թշնամու վրա նետելու  
համար: Պարսպին ներսից հարող սենյակներում ևս գտնվե-  
լեն միանգամայն կլոր և ավելի խոշոր քարեր, որոնք անկա-  
կած բաղիստրի ումբաքարեր են եղել (նկ. 10):

Քաղաքի պարսպին մտակցող թշնամու զինվորների  
պաշարողական մեքենաների վրա նետվել են նավթի (մագու-  
թի) մեջ թափախված բոցավառվող լավեր: Այդ օտթի  
վկայություն է պահպանել հռոմեական պատմիչ Պիոն Կա-  
սիոսը (մոտ. 155—235 թթ.), ճիշտ է՝ ոչ թե Արտաշատի, այլ  
Տիգրանակերտի վերաբերյալ: Նա պատմում է, որ երբ կու-  
կուլտսը պաշարեց Տիգրանակերտը, Տիգրան Արմենը մեծա-  
մեծ վնասներ պատճառեց նրան նետաձգությամբ և պաշա-  
պանական մեքենաների վրա նավթ (նավթա) նետելով, որ  
բոցավառվում էր այնպես, որ այրում էր այն ամենը, ինչ  
կազմում էր և հանգցնելը հեշտ չէր<sup>9</sup>:

Ուշագրավ է, որ № 1 բլրի վրա պեղումների ժամանակ  
պարսպի տակ ներսից մի քանի տեղով գտնվեցին նավթի  
(մագութի) շորացած դանդավածներ, իսկ սենյակներից մեկու-  
կեսերում կարասների մեջ լցված է եղել նավթ:

Քաղաք թափանցած թշնամու հեծելազորի դեմ գործած-  
վել են նաև երկաթե «փշեր», դրանք նետասլաքի ծայրերը  
չափի սուր ծայրերով, եռաձյուղ և քառաձյուղ «փշեր» էին  
որոնք թափվում էին փողոցներում և ինչպես էլ ընկնեին՝ մ-  
ծայրը ցցված էր լինում և թշնամու հեծելազորը անցնելիս  
«փշերը» մտնում էին ձիերի ոտքերը և շարքից հանու-  
նրանց:

<sup>9</sup> Պեղումների ժամանակ նկատվել է, որ կլոր քարերը պարսպի տակ  
դրսից նրբեմն շարված են շատ կանոնավոր ձևով, ուստի չի բացառ-  
վում, որ նրանք ունենալին և այլ, օրինակ, թեք լանջի վրա կատարված  
պատերի հիմքերը ամրացնելու, սպորումներից և հոգմանաբարությունի  
պաշտպանելու նշանակություն:

<sup>10</sup> Dio Cassius, XXXVI, 1.

№ 1 բլրի պեղումների ժամանակ զինագործական ար-  
հեստանոցներում նետասլաքների հետ միասին գտնվել են  
նաև այդպիսի երկաթե «փշեր»:

Նետասլաքների ծայրերը № 1 բլրի վրա, զինագործական  
արհեստանոցներում, զինվորական կացարաններում հայտ-  
նաբերվել են մեծ քանակությամբ: Մի դեպքում էլ զինվոր-  
ների շարժման համար թողնված միջանցքում դրված է եղել  
1700-ի չափ նետասլաք, հավանաբար որպեսզի զինվոր-  
ները դյուրությամբ կարողանան օգտագործել պարսպին մո-  
տակցող թշնամու դեմ: Առաջացած հրդեհից նետասլաքների  
փայտյա կոթերը վառվել էին, իսկ երկաթե ծայրերը մեծ  
կույտերով մնում էին տեղում:

Հայտնաբերված շուրջ 3000 նետասլաքները արտագրվել են  
տեղում և չափերով ու ձևերով ինչպես և թշնամու դեմ գոր-  
ծագրելու առանձնահատկություններով իրարից տարբերվում  
են: Նրանց թվում կան երկթե, եռաթե, ետ կախվող սուր  
եզրերով, քառանիստ՝ կտրվածքով քառակուսի կամ քառան-  
կյունի, տափակ, բայց ուռուցիկ կողքերով (ձվածիր կտրված-  
քով), կլոր-երկարուկ՝ շատ սրածայր (զրահ ծակելու համար  
գործադրվող), համարյա զնդաձև, համեմատաբար բուլբ-  
ժայրով նետասլաքի ծայրեր, որոնց մանրակրկիտ ուսում-  
նասիրությունը արժանի է հատուկ ուշադրության:

Պեղումների ժամանակ հայտնաբերվել են նաև երկաթե  
սրեր, նիզակների, տեղերի ծայրեր, դաշույններ և դանակ-  
ներ:

## ՄԱՐԲԱՐԵ ԱՐՁԱՆ

Արտաշատի 1971 թ. պեղումների առավել նշանակալից  
արդյունքներից մեկը եղավ մարմարե արձանի հայտնաբե-  
րումը: Այն բացվեց № 1 բլրի կենտրոնական մասի սենյակ-  
ներից մեկում պատի տակ թեք ընկած վիճակում: Պակասում  
է արձանի գլուխը և աջ թևը, ինչպես և ձախ թևի դաստակը:

Արձանը կանգնած է շատ ցածրադիր պատվանդանի վրա և ունի 57 սմ բարձրություն (առանց գլխի): Խիտոնը (բարակ շապիկ) նեղ գոտիով պրկված կրծքի տակ, այնչափ նրբին է քանդակված, որ չի թաքցնում կանացի մարմնի գեղեցկությունը: Մարմնին փաթաթված շորը՝ (ἰμάτιον) նետված ձախ թևին, մի ծայրով իջնում է մինչև պատվանդանը՝ կազմելով խոշոր ուղղահայաց ծալքեր, իսկ մյուս ծայրը փաթաթվելով կոնքերին՝ ընկնում է ոտքերին շքեղ ծալքերով: Խիտոնը մեջքի կողմից ակոսված է ուղղահայաց, խիտ և ոչ խոր ծալքերով (նկ. 11):

Աջ ձեռքը բարձրացված է եղել դեպի վեր և հավանաբար ինչ-որ բան է բռնած եղել: Ձախ ուսը, որից սահել է շապիկը, նկատելիորեն ցած է հակված, գլուխը ընդհակառակը՝ թեքված է եղել դեպի վեր, աջ ոտքի ծունկը թեթևակի ծալված է: Այս ամենը արձանին հաղորդում է նազանք և նրբագեղություն, որոնք բնորոշ են ավելի Աֆրոդիտեի արձաններին:

Արտաշատի մարմարե արձանի ոճական այս առանձնահատկությունները բնութագրում են նրան իբրև մեկը ու ճեղքն իստական ոչ մեծ շափերի այն արձաններից, որոնք պատկերում են ղգեստավորված ղեռատի աղջիկներին, որոնց քանդակագործները ձգտել են վերարտադրել հույն հանճարեղ քանդակագործ Պրաքսիտելի և նրա դպրոցի դասական ստեղծագործությունների նրբին ու շքեղ կերպարները: Այս խմբին պատկանող երկու արձան գտնվել են Հոդոս կղզում և պահվում են Բրիտանական թանգարանում<sup>11</sup> (Լոնդոն), մեկը՝ Աթենքում և պահվում է տեղի ազգային թանգարանում, իսկ չորրորդը հայտնաբերվել է Փոքր Ասիայում՝ Բութանիայում<sup>12</sup> և

<sup>11</sup> M. Bieber, The Sculpture of the Hellenistic age, New York, 1955, էջ 144, նկ. 609, 610, J. Marcade, Au Musée de Dalos, Etude sur la Sculpture Hellenistique en ronde bosse, découverte dans l'île, Paris, 1969, աղյուսակ XXXII-XXXV, R. Horn, Stehende weibliche Gevandstatuen der hellenistischen Plastik (\*Romische Mitteilungen), 1931, Ergänzungsheft II, էջ 89—90.

<sup>12</sup> Bieber, նշվ. աշխ., էջ 106, նկ. 710—712.

ժամանակով ամենաուշը լինելով, արվեստով էլ զիջում է մյուսներին: Մասնագետների կարծիքով արձանների խաչախումբը պատկերում է Արտեմիսին կամ ավելի շուտ Աֆրոդիտեին և զուրկ չէ էգեյան ծովի կղզիների և Փոքր Ասիայի քանդակագործական արվեստին բնորոշ գծերից<sup>13</sup>:

Արտաշատի արձանը ավելի մոտ է Աթենքում պահվող որինակին, բայց արվեստով ավելի բարձր է նրանից, մանավանդ Բութանիայում գտնվածից: Նրբագեղությունը, մանավանդ շեշտված գեղեցիկ կեցվածքը Արտաշատի արձանին հաղորդում են որոշ սեթեթանք, նազանք, որը նույնպես բնորոշ է ու ճեղքն իստական դարաշրջանի արվեստին: Այսպիսով Արտաշատի մարմարե արձանը իր ոճական առանձնահատկություններով հանդիսանում է մ. թ. ա. II դ. վերջերի և I դ. սկզբների ու ճեղքն իստական քանդակագործության աչքի ընկնող ստեղծագործություն<sup>14</sup>:

Նույն № 1 բլրի վրա, այս արձանից ոչ հեռու, գտնվել է նաև մարմարե մի այլ, ավելի փոքր շափսերի արձանի օտքի թաթը՝ պատվանդանի բեկորի վրա:

## ՔԱՐԵ ԱՌԱՐԿԱՆԵՐ, ՍԱՐՔԵՐ

Արտաշատում հայտնաբերվել են քարե սարքեր-հարմարանքներ, իրեր և առարկաներ, որոնք կիրառություն են ունեցել բնակչության տնտեսության մեջ և կենցաղում:

Ամենատարածված քարե սարք-հարմարանքները աղորիքներ էին, որոնք օգտագործվել են հացահատիկներից ալյուր, ձավար աղալու համար: Քարե աղորիքները շատ երկար կյանք և պատմություն են ունեցել: Ամենապարզ աղորիքները, պատրաստված խոշորահատիկ կամ շեշտ որձաքարից (բազալտից) և բազկացած տակի ավելի խոշոր սալաքարից

<sup>13</sup> Նույն տեղում, էջ 165:

<sup>14</sup> L. Altscher, Griechische Plastik, հատոր IV, Hellenismus, Berlin, 1957, նկ. 59:

ու վրայի ավելի փոքր քարից, որը երկու ձեռքով տարուբերելով սալի երեսին լցված հացահատիկների վրա տրորում, ազում էր, օգտագործվել է հազարամյակներ շարունակ մինչև մ. թ. ա. IV—III դդ.:

IV—II դդ. աղորիքի վերին քարի վրա ահոս է փորվել ծայրերին փոսիկներ և նրա վրա ամրացվել է փայտե լծակ, որի օգնությամբ պտտեցվել է կիսաշրջանաձև: Լծակի օգտագործումը թույլ է տվել մեծացնել աղորիքի և՛ տակի, և՛ վրայի քարերը, որոնք այնուհետև ընդունել են քառակուսի տեսք, իսկ վերին քարի լծակի կողքից ճեղք կամ ձվածիր անցք է բացվել հացահատիկը լցնելու համար, բայց լծակը դեռևս հորիզոնական լինելու պատճառով վերին քարը կարող էր պտտվել աջ ու ձախ տարուբերվելով միայն կիսաշրջան:

Ի վերջո աղորիքի քարերն ընդունել են շրջանաձև սալերի տեսք (նկ. 12), տակի քարի կենտրոնում ամրացվել է մետաղե առանցք, հորիզոնական լծակը փոխարինվել է վերին քարի եզրին ամրացվող ուղղահայաց բռնակով և այժմ աղորիքը կարելի էր պտտեցնել շրջանաձև պտույտներով: Այսպես, հելլենիստական դարաշրջանում առաջացավ նոր տիպի աղորիք-երկանքը, որը մինչև մեր օրերը պահպանվում է գյուղերում:

Գառնիի, Արմավիրի և Արտաշատի պեղումների ժամանակ հայտնաբերվել են աղորիքի անցումային բոլոր ձևերը, ինչպես և երկանքի բազմաթիվ օրինակներ:

Առանցքի շուրջ պտտվող աղորիք-երկանքի ստեղծումը հեղաշրջում առաջացրեց ազալու տեխնիկայի մեջ և ուղի հարթից ջրաղացի առաջացման համար: Ինքնին հասկանալի է, որ մինչև երկանքի առաջացումը, որը տեղի ունեցավ III—II դդ. մ. թ. ա., խոսք անգամ չի կարող լինել ոչ միայն ջրաղացի, այլև կենդանիների ուժով պտտվող աղացի մասին, որը նախորդել է ջրաղացին: Ուշագրավ է, որ կենդանիների ուժով պտտեցվող բավականաչափ խոշոր չափսերի երկանքները դեռևս հելլենիստական կամ անտիկ դարաշրջանում օգտագործվել են նաև ոսկու հանքերում՝ հանքաքարը ազալու,

ապա լվանալու, ոսկին անջատելու համար: Հին դարաշրջանի նման աղորիքներ գտնվել են Զոդի ոսկու հանքերում և այլ հանքավայրերում:

Աղորիքների նման հին են նաև քարե սանդերը: Հազարամյակներ առաջ օգտագործվել են փոքրիկ շարժական սանդեր: Հետագայում սանդեր փորել են բնակավայրի շրջանակներում, տների առջև դանվող ժայռերի վրա, ինչպես և այդ նպատակով օգտագործվել են բազալտե տարբեր չափերի, սովորաբար խոշոր քարեր, որոնք կարող էին շարժական լինել կամ գրվել տների բակերում մի որոշակի տեղում: Անտիկ դարաշրջանի այդպիսի մի սանդ գտնվել է Արտաշատում: Սանդերը ունեցել են լայն կիրառություն և օգտագործվել են տարբեր նպատակներով, ինչպես տնտեսություն և արհեստային արտադրության մեջ, նույնպես և կենցաղում:

Քարից պատրաստում էին նաև մեծ ու փոքր տաշտեր, վաղաններ, սկահակներ, պնակներ, թասեր, ափսեներ (նկ. 13): Բազալտե տաշտեր, վաղաններ հայտնաբերվել են Կարմիր բլուրում և ուրարտական այլ բնակավայրերում, ինչպես և Արմավիրում, Գառնիում և Արտաշատում: Հելլենիստական կամ անտիկ դարաշրջանում քարե վաղաները լինում են տարբեր ձևի՝ բլուրակ, մակույկաձև և սովորաբար ունենում են ունկեր կամ բռնակներ, իսկ պնակները և թասերը զուրկ են դրանցից: Բազալտից և կրաքարից պատրաստված նման վաղաններ, պնակների և թասերի մի քանի օրինակներ գտնվել են նաև Արտաշատում:

Ավելի խնամքով և բարձր արվեստով էին պատրաստվում քարե սկահակները, որոնց համար ընտրում էին նաև բարձր որակի գունավոր քարեր՝ օձաքար (սերպենտին), պորֆիր, պորֆիրիտ և այլն: Գրանք պատրաստվում էին հին արևելյան կավե սկահակների օրինակով, բավականաչափ բարձր ռաքի վրա: Այդպիսի բազմաթիվ սկահակներ գտնվել են Արեմենյան Իրանի Պերսեպոլիս նշանավոր մայրաքաղաքում<sup>15</sup>:

<sup>15</sup> E. Schmidt, Persepolis II, Chicago, 1957, ազ. 57—58:

րից պատրաստվող ուղունքներին, ապա դրանք սովորական  
լին ու տարածված:

## ՄԵՏԱՂԱԳՈՐԾՈՒԹՅՈՒՆ

Վերևում նշվեց, որ պեղումների ժամանակ բացվել են  
դարբին-զինագործների մետաղագործական արհեստանոց-  
ներ, որտեղ պատրաստված զենքերի մասին ևս համառո-  
տակի խոսվեց, քաղաքի պաշտպանության կապակցությամբ:  
Այստեղ կարելի է ավելացնել, որ թշնամուն ոչնչացնելու  
կամ խոցելու զենքերից բացի եղել են նաև սեփական զոր-  
քը, զինվորի անձը և նրա մարտական ձին պաշտպանելու  
միջոցներ՝ վահաններ, զրահներ, մարդկանց և ձիերի հա-  
մար: Փաստեր չկան, թե Հայաստանում երբևէ գործածվել են  
միջնադարյան եվրոպայի հեծյալների ամբողջ մարմինը ո-  
տից գլուխ ծածկող կամ նրանց ձիերի մարմինը ծածկող  
ղանգվածային զրահներ, բայց թեթև զրահներ և պաշտպա-  
նական սովորական միջոցներ՝ վահան, սաղավարտ, մարտա-  
կան ձիու գլուխը թշնամու հարվածներից պաշտպանող մե-  
տաղե թերթիկներ և այլն հայտնի են տարբեր դարաշրջան-  
ներից:

Արտաշատում հայտնաբերվել են պղնձե և բրոնզե շրջա-  
նակներ, որոնք կոպիտ գործվածքից կամ կաշվից կարած  
վերնաշապիկի վրա ամրացվելով ծառայել են իբրև զրահի  
մաս կամ եղել են վահանի կենտրոնական մասի շրջանակ-  
ներ (ուժբոն), իսկ որոշակի ձև ունեցող երկաթե թիթեղները  
թվում է, թե օգտագործվել են մարտական ձիերի ճակատը  
թշնամու հարվածներից պաշտպանելու համար:

Հայտնաբերված մետաղե գործիքների թիվը փոքր է՝  
երկու կացին՝ շատ քայքայված, դուր, բրիչ, մանգաղ, այգե-  
գործի դանակ՝ կեռ կտրիչով, բրոնզե ոսկերչական մուրճիկ:  
Իրոնզից է պատրաստված նաև № 1 բլրի վրա գտնված գա-  
հույրի ոտքի մասը: Գահույրի կամ աշտանակի մաս կարող է

Հայաստանում ևս նման սկահակներ և դրանց բեկոր-  
ները գտնվել են Գեղարդում, Արմավիրում, Արտաշատում  
և այլուր: Հայաստանում գտնված սկահակների ոտքերը շատ  
բարձր չեն, իսկ շուրթերն ունենում են դեպի դուրս թեքվող  
ձևավոր պսակներ, որոնք բնութագրական են ավելի ուշ  
ժամանակների՝ մ. թ. ա. III—I դդ. համար: Գտնված բոլոր  
օրինակները լավ հղկած, փայլեցրած են:

Արտաշատում գտնվել է նաև մ. թ. ա. II—I դդ. լազուրի-  
տից պատրաստված դեղեցիկ ձևավորումով մի ափսե, որի  
շքեղությունն ընդգծելու համար շուրթերին արված անցքերի  
մեջ ազուցված են ոսկյա բարակ ձողիկներ: Ափսոս, որ ափ-  
սեն չարգված է, թերի և նրա կոնակին փորագրված արամեե-  
րեն արձանագրությունը, նույնպես թերի լինելով, լավ չի  
ընթերցվում, բովանդակությունը չի պարզվում:

Արտաշատում հայտնաբերվել են նաև մարմարից պատ-  
րաստված մի քանի գեղեցիկ անոթների մասերը: Պարզ երե-  
վում է, որ դրանք ներսից մշակված են շաղափման եղանա-  
կով: Թվում է, թե դրանք դրսից ներմուծված իրեր են, սակայն  
հարցի վերջնական լուծումը հնարավոր կլինի հետագա պե-  
ղումների շնորհիվ:

Հնում հայտնի են եղել Հայաստանի սրաքարերը, որոնք  
նույնիսկ արտահանվել են երկրից դուրս՝ Հոմ: Սրաքարերն  
օգտագործվում էին կտրող գործիքները, զենքերը, դանակ-  
ները սրելու համար: Պտտվող անիվի (ճախարակի) վրա ամ-  
րացրած՝ նրանք ծառայել են նաև հաստ պատերով ապակ-  
յա անոթները տաշելով զարգարելու նպատակին:

Պատահական չէ, որ սրաքարեր գտնվում են Հայաս-  
տանի բոլոր հնավայրերի պեղումների ժամանակ: Հաճախ  
դրանք սաստիկ մաշված են լինում, որպիսի օրինակներ Ար-  
տաշատի պեղումների ժամանակ ևս գտնվել են:

Քարերից պատրաստել են նաև թեշիկի դուխներ, իսկ  
մարմարից, հասպիսից, մերգելներից՝ նաև ճարմանդներ՝  
թիկնոցի ծայրերը ուսի վրա կոճկելու համար: Ինչ վերաբե-  
րում է սարդիոնից, ագաթից և այլ կիսաթանկագին քարե-

լինել նաև նույն տեղում գտնված երկաթե ձողը, որը պատած է արծաթե բարակ թիթեղով: Պղնձից և բրոնզից պատրաստված են եղել կաթսաներ և այլ անոթներ: Գտնվել է գրանցից մեկի կանթը, որի մի ծայրը ձևավորված է իբրև գաղանի կամ հրեշի գլուխ:

Երևան են եկել նաև մի քանի կավե փոքրիկ հալոցներ, որոնք օգտագործվել են հավանաբար պղնձյա, ոսկյա և արծաթյա իրեր, առարկաներ, զարդեր պատրաստելու նպատակով մետաղ ձուլելու համար:

Չուլաժո իրեր, պատրաստված բարձր արվեստով, նույնպես գտնվել են: Արվեստի աչքի ընկնող ստեղծագործություն է արծաթից ձուլված այժի արձանիկը, որը կարող է թվագրվել ոչ ուշ քան II դարով մ. թ. ա. (նկ. 14):

Արծաթից են ձուլված նաև խոշոր վազանների կամ այլ անոթների կանթերը, որոնցից մեկը ցածի՝ ծաղիկի տեսք ունեցող ծայրով կապված է եղել անոթի կողքին, իսկ մյուս ծայրը ուղղահայաց բարձրացել է վեր, ավարտվելով հունական առասպելաբանության մեջ հայտնի սիրո աստված, թրոչունի թևեր ունեցող մանուկ Ամուրի փոքրիկ արձանիկով (նկ. 15): Մյուս կանթը դարձյալ արծաթից, անոթի վրա ամրացված է եղել հորիզոնական ձևով: Նրա մի ծայրը ձիու գլուխ է պատկերում, իսկ մարմինը և մյուս ծայրը ձկան է: Ամբողջ կանթը ոսկեզօծված է եղել: Դա նույնպես կապված է հունական առասպելաբանության հետ և ներկայացնում է հիպոկամպի՝ ծովածիռի պատկեր, բնորոշ ոճավորմամբ (նկ. 16): Այս իրերը տեղում են պատրաստվել, թե՛ բերվել են գրսից, կարելի կլինի պարզել հետագա ուսումնասիրություններով: Բայց նրանք համապատասխանել են տեղական վերնախավի ճաշակին և գործածվել են նրա կենցաղում կամ նվիրաբերված են եղել Արտաշատի տաճարներից մեկին և օգտագործվել են պաշտամունքային արարողությունների և խրախճանքների ժամանակ:

Մեկ թե մյուս գեպքում նրանք Հայաստանում արմատավորվող հելլենիստական մշակույթի հուշարձաններ են: Բրոնզե

անոթի կանթը հրեշի գլխով, դրանց հակառակը, ավելի տեղական՝ արևելյան բնույթ ունի (նկ. 17):

Արտաշատում գտնվել են արծաթից պատրաստված պոլիկ, պալտածե կամ կիսալուսնաձև կախիկ, ինչպես և արծաթի անմշակ ձուլվածքներ, որոնք, հայտնաբերված հալոցների մետաղական խարամների հետ միասին, վկայում են արծաթագործության, նաև ոսկերչության առկայությունը տեղում: Ի դեպ, ոսկյա պսակի մասեր ևս գտնվել են և անկասկած տեղում են պատրաստվել: Պսակի վրա եղել են խաղողի տերևներ հիշեցնող, բայց ավելի շուտ սոսիների տեսակին պատկանող կաղամախի ծառի տերևներ, եզրերի խորը կտրվածքներով և սղոցանման ատամներով: Գտնվել են 22 այդպիսի տերևներ, իսկ շորան էլ նման են ձիթենու տերևների (նկ. 18): Բոլորն էլ թղթի պես բարակ են և փափուկ: Դրանք գրված են եղել որե՛է հարուստ դամբարանում, պսակել են որե՛է արձանի գլուխը, թե՛ նոր միայն պատրաստված են եղել տեղի ոսկերչական արհեստանոցներից մեկում՝ դժվար է ասել: Բայց ակնհայտ է, որ կողոպտվել են և կողոպտողը հափշտակելով տերևները սեղմել է երկու բռի մեջ, գունդ արել, բայց ինչ-որ դիպվածքով չի տարել, և արշավախումբը գտավ № 1 բլրի վրա, սենյակներից մեկի մեջ, հողի մակերեսային շերտում:

Արտաշատում հայտնաբերված մետաղե իրերն ու զարդերը դրսևորում են հայոց պատմության և մշակույթի զարգացման համար բնորոշ իրողություններ: Դրանց մի մասը փոխակերպվելով հանդերձ շարունակում է տեղական մշակույթի ավանդույթները, իսկ մյուսները ցայտուն կերպով վկայում են, որ Հայաստանում խոր արմատներ էր գցել և զարգացման բարձր մակարդակի էր հասել տեղական հելլենիստական մշակույթը:

### ԽԵՅՅԳՈՐԾՈՒԹՅՈՒՆ

Ինչպես մյուս հնավայրերում, Արտաշատում ևս պեղումների ընթացքում հայտնաբերվող ամենաառատ նյութը

խեցեղենն է: Դա ինքնին հասկանալի է, քանի որ խեցեղենը հնում ունեցել է շափազանց լայն կիրառություն բնակչության տնտեսության մեջ, մասնավանդ կենցաղում, և ինչպես տեսանք, մասամբ էլ շինարարության մեջ (աղյուս, կղմինդրներ, փողրակներ և այլն): Արտաշատի տնտեսական կենցաղային բնույթի խեցեղենը շատ բազմազան է: Ամենինչ հանդիպում է՝ սկսած փոքրիկ ձիթաճրագներից մինչև հսկայական կարասները՝ ջրամաններ, շոր և հեղուկ նյութեր ու մթերքներ պահելու տարբեր տեսակի և շափի անոթներ, խոհանոցային կճուճներ և այլ անոթներ, սեղանի սպասք, պնակներ, ափսեններ, թասեր, գավաթներ, զանազան տաշտեր, կավե սարկոֆագներ և այլն:

Ամենից առաջ նշենք, որ Արտաշատում հայտնաբերվող խեցեղենը պատրաստվել է ոչ թե տնայնագործական եղանակով, այլ արտադրվել է քաղաքի խեցեգործական արհեստանոցներում՝ բրուտի ճախարակի (դուրգի) օգնությամբ, իբրև քաղաքային արհեստավորական արտադրանք և սովորաբար շուկա է հանվել վաճառքի: Պատահական չէ, որ խեցեղեն թրծելու հետք բացվել է նույնիսկ քաղաքի պարիսպներից ներս, թաղամասերից մեկում՝ № 8 բլրի վրա: Կավագործ վարպետները (բրուտները) օգտագործել են դրերով ձեռք բերված փորձը և հնարանքները, ինչպես խեցեղենի արտադրության, նույնպես և հարդացման բնագավառում:

Վարպետներն, ըստ արտադրվելիք խեցեղենի տեսակների, նախապատրաստել են տարբեր որակի կավեր՝ մեծ խնամքով մշակված մանրահատիկ կավից սկսած մինչև ավաղի զգալի խառնուրդով խոշորահատիկ կավերը: Խեցեղեն անոթներն ու իրերը շորացնելուց հետո սովորաբար կոկել են քարի կոկիչներով, մակերեսը ծածկել են տարբեր գույնի կավերից պատրաստած նուրբ շերտով և նորից են կոկել փայլեցրել:

Երբեմն անոթները կոկել են նաև թրծելուց հետո: Անոթների վրա զարդեր արվել են տարբեր եղանակներով, բայց ամենից ավելի նկարազարդամբ. անոթների լավ մշակված

և սովորաբար գունավոր մակերեսներին մեկ կամ մի քանի գույնով նկարել են տարբեր զարդեր և պատկերներ:

Կավե անոթների գունազարգումը նոր երևույթ չէր, ոչ էլ անցողիկ: Մարդիկ սկսել են այն կիրառել դեռևս հնագույն ժամանակներում տարբեր վայրերում ու երկրներում և մինչև մեր օրերն էլ երբեք չեն հրաժարվել նրանից: Սակայն մշտապես փոփոխվել են ինչպես նկարազարդվող անոթների նյութն ու նրանց մշակման եղանակները, անոթների տեսակներն ու ձևերը, արտադրության տեխնիկան, նույնպես և նկարազարդման եղանակները, մանավանդ պատկերներն ու զարդերը իրենց, թե՛ ձևերով և արտահայտությամբ, և թե՛ իմաստով՝ բովանդակությամբ: Թեև զարգացումը տեղի է ունեցել պատմական հաջորդականությամբ և սովորաբար չի խզվել կապը նախորդ դարաշրջանի հետ, սակայն ամեն մի դարաշրջանի համար բնորոշ է խեցեղենի արտադրության և հարդարման, մասնավորապես գունազարդման ձևերի, հնարանքների, տեխնիկայի, զարդաձևերի, մոտիվների, ինչպես և նրանց վերաբերյալ պատկերացումների, իմաստավորման մի ամբողջ համակարգ, որով մի դարաշրջանի խեցեղենը, տվյալ պարունակում գունազարդ խեցեղենը, տարբերվել է նախորդ և հաջորդ դարաշրջանների խեցեղենից: Այդ տարբերությունները ակնհայտ են ոչ միայն տարբեր դարաշրջաններում, այլև տարբեր երկրներում կամ էթնիկ տարբեր խմբերի արտադրած խեցեղենի միջև: Բացի այդ գունազարդ խեցեղենը, ինչպես և մշակույթի, արվեստի տարբեր բնագավառներն ու նույնարձանները, ունեցել է լայն կամ նվազ տարածում, զարգացման տարբեր դրսևորումներ ու մակարդակ, ոչ միայն տարբեր դարաշրջաններում, այլև զանազան ժողովուրդների մոտ:

Հայկական լեռնաշխարհի բնիկ ցեղերը սկսել են գուևազարդ խեցեղեն պատրաստել դեռևս մեզանից շուրջ վեց հազար տարի առաջ, սակայն այդ խեցեղենի զարգացումը համաշափ չի ընթացել: Նախքան մ. թ. III հազարամյակում նրա արտադրությունը ընդհատվելու շափ նվազել էր, իսկ II

հազարամյակի առաջին կեսին լայն տարածում է ստացել առաջացնելով հարուստ ձևեր և զարդեր, որոնց թվում հաճախ են հանդիպում, ոչ միայն երկրաչափական ձևեր, այլ կենդանիների և թռչունների պատկերներ:

Երկրորդ հազարամյակի երկրորդ կեսին գունազարկեցեղենի արտադրությունը և՛ փոխակերպվում, և պակասու է, իսկ առաջին հազարամյակի առաջին կեսին, այսինքն՝ ուրարտական դարաշրջանում առավել ևս նվազում է: Մինչդեռ հարևան երկրներում, մասնավորապես Փոռզիայում (Փորթ Ասիա) նույն այդ ժամանակներում գունազարդ խեցեղենի արտադրությունը իր ծաղկումն էր ապրում:

Գունազարդ խեցեղենի արտադրությունը Հայաստանում նոր վերելք է ապրում վաղ հաչկական ժամանակներում VII—IV դդ. և լայնորեն տարածվում ու բարձր զարգացման հասնում հելլենիստական դարաշրջանում՝ III—I դդ., երևաբերելով երկրաչափական, բուսական երբեմն նաև կենդանական հարուստ ու բազմազան զարդեր և զարդաձևեր<sup>16</sup>: Մ. թ. I դ. տեղի է ունենում նրա անկումը և հանդիպում են միայն հատուկներ նմուշներ, այն էլ նախկին շուքը կորցրած:

Արտաշատում հայտնաբերված գունազարդ խեցեղենի պատկանում է հելլենիստական դարաշրջանին: Գունազարդ խեցեղենի արտադրությունը Հայաստանում այս դարաշրջանում մի նշանավոր երևույթ էր հայ մշակույթի, մասնավորաբար կիրառական արվեստի պատմության մեջ:

Զարդաձևերը գերազանցապես երկրաչափական են, բայց երևան են գալիս մեծ բազմազանությամբ: Տիրապետող շրջան կազմող գոտիներն են, համակենտրոն շրջանակները, շառավիղները, ալիքաձև զարդերը, աղեղները, կետաշարքերով կազմվող զարդերը (նկ. 19): Ուշագրավ են և բուսա-

կան զարդերը, որոնք երևան են գալիս ճյուղերի տերևների, պտակաթերթերի և վարդյակների ձևով, հաճախ երկրաչափականին մոտեցող ոճավորմամբ: Բազմազան են նաև անոթների մակերեսի (ֆոնի), ինչպես և զարդերի գույները: Հանդիպում են սև, բաց գույնի, կարմիր, վարդագույն, շագանակագույն, թուխ շագանակագույն, դարչնագույն, դեղին, նարնջագույն, երկնագույն և այլ երանգներ, սակայն տիրապետող կարմիրը, սևը և շագանակագույնն են, իրենց տարբեր երանգավորումներով:

Հարց է ծագում՝ ի՞նչպես առաջացավ և զարգացավ Հայաստանի հելլենիստական դարաշրջանի գունազարդ խեցեղենը, ո՞րտեղ պետք է որոնել նրա աղբյուրները: Վերևում ասվեց, որ գունազարդ խեցեղենը Հայաստանում անցել է զարգացման շատ երկար ուղի և ինչ խոսք, որ տեղական դարավոր ավանդույթները զգալի դեր են խաղացել նաև հելլենիստական դարաշրջանի գունազարդ խեցեղենի առաջացման և զարգացման գործում, բայց հարկ է նշել, որ, եթե առաջին հազարամյակի առաջին կեսում այդ ավանդույթները Հայաստանում թուլացել, նվազել էին, ապա Իրանում, Մերձավոր Արևելքում, Միջերկրական ծովի ավազանում, մասնավորապես ծովի արևելյան ափերին և Փոքր Ասիայում գունազարդ խեցեղենը շարունակում էր զարգանալ<sup>17</sup> առաջացնելով անոթների ու նրանց գունավոր զարդերի նորանոր ձևեր ու մոտիվ-

<sup>16</sup> Chirshman, R. Village Perse achémente, Paris, 1954; Van den Berghe, Archeologie de l'Iran ancien, Leiden, 1959; E. Schmidt, Persepolis II, Chicago, 1957; H. H. von-der Osten, E. Schmidt-The Alishar Hüyük (Season of 1930—1932); E. Akurgal, Phrygische, Kunst, Ankara, 1956; Gordton, Ergebnisse der Ausgrabung im Jahre, 1900, Berlin, 1904; M. A. Hanfman, Sardis und Lydien, Mainz, 1960; Istanbul Mitteilungen, Heft 9/10, 1950/1960, Istanbul, 1960; Heft 16, Istanbul, 1966; Excavations at Gözlu Kule, vol. I, The Hellenistic and Roman periods, Princeton, 1950, vol. III; The Iron age, Princeton, 1960; N. C., Debevoise, Parthian pottery from Seleucia on the Tigris, University of the Michigan, 1934.

<sup>16</sup> Г. А. Тирамян, О расписной керамике древней Армении «Պատմա-բանասիրական հանդես» № 3, 1965, էջ 265, 280, ժ. Գ. Խաչատրյան, Հայաստանում գտնված գունազարդ խեցեղենի մի քանի նմուշներ, «Պատմա-բանասիրական հանդես» № 1, 1966, էջ 253—260.

ները, որոնք իրենց ուրույն ոճն ու կերպարները ստացան մանավանդ III—I դդ. հելլենիստական դարաշրջանում: Հայաստանը կտրված չէր հարևան երկրներից և անմասն շմնաց այդ զարգացումից: Նա հաղորդակից և մասնակից եղավ Մերձավոր Արևելքի, Միջերկրական ծովի արևելյան ավազանի, Փոքր Ասիայի այս դարաշրջանի արևելյան և հոնիական-հելլենիստական մշակույթի զարգացմանը, շատ բան ընկալեց, յուրացրեց այդ միջավայրից և զարգացրեց իր սեփական մշակույթը: Այս ճանապարհով զարգացավ, մասնավորապես գունավոր խեցեղենի արտադրությունը Հայաստանում մ.թ. VI—I դդ.:

Հելլենիստական դարաշրջանին բնորոշ են գեղեցիկի գագացողությունը, ամեն ինչի մեջ գեղեցիկը որոնելու և զրտնելու ձգտումը: Դա իր դրսևորումն է գտել նաև խեցեգործության մեջ: Հիրավի, մշակվել են անոթների կատարյալ և գեղեցիկ ձևեր, ակնահաստ ձևավորում և տեսք է տրվել նրանց մանրամասներին՝ վզերին, շուրթերին, կանթերին, հատակներին: Այդ դարաշրջանում մշակվել և հելլենիստական աշխարհի տարբեր երկրներում լայն կիրառություն են ստացել իրենց յուրահատկություններով հանդերձ կավանոթների մի շարք տեսակներ և ձևեր, որոնց հնում (մասամբ և հետագայում) տրվել են որոշակի անուններ, ինչպես օրինակ, ամֆորա, երկու ուղղահայաց մեծ կանթով ոչ շատ լայնաբերան անոթները (փոքրերը՝ ամֆորիսկ), օյնախոյա, միկանթանի երեքնուկի պես կամ այլ կերպ ձևավորված շրթերով սափորիկ, թասերի մեջ գինի լցնելու համար, կրատեր, լայնաբերան երկկանթանի անոթ, որն օգտագործում էին խնջույքի ժամանակ գինի լցնելու համար (հնում գինին խմում էին ջրի հետ խառնելով և այս «խառնելու» գործողությունից էլ առաջացել է կրատեր անունը): Գինի խմելու և ծխական նպատակներով օգտագործվել են նրբախեցի թասեր, որոնք կոչվել են ֆիալա: Զուկ մատուցելու համար օգտագործվել է լայն հարթ մակերեսով ափսե: Երկար, համարյա գլանաձև, անկանթ կարճ վզով անոթները կոչվել են ալաբաստր: Իլիկա-

և կավե սրվակներին տրվել է ունգվեստարիում անունը, իսկ անոթերով պատած և համակենտրոն շրջանաձև դծերով զարդարված ափսեները կոչվել են տերրա սիդիլատա, իսկ մի կամ երկու կողմից տափակ ջրի անոթներն անվանել են տափաշիշ (Φαγια):

Մենք հիշատակեցինք անոթների այս տեսակները նախ այն պատճառով, որ դրանք շատ բնորոշ են հունա-հելլենիստական աշխարհի խեցեգործությանը, ունեցել են լայն տարածում և երկրորդ՝ որ դրանց բազմաթիվ նմուշները գտնվել են Հայաստանում Արմավիրի, Գառնիի, Արտաշատի պեղումների ժամանակ և որ կարևորն է Հայաստանում գտնվածները արտադրվել են տեղում, ուստի բազմազան այլ փաստերի հետ միասին նշանավորում են հելլենիստական մշակույթի առաջացումը և զարգացումը Հայաստանում:

Բացի հելլենիստական բնույթի տեղական խեցեղենից Արտաշատում հայտնաբերվել են զգալի քանակությամբ կավե անոթներ, որոնք իրենց տեսակներով ձևերով և առանձնահատկություններով կապվում են զուտ տեղական հիստորից խեցեղենի ավանդական ձևերի, մշակման եղանակների ու առանձնահատկությունների հետ, իհարկե փոխակերպելով և զարգացնելով դրանք: Այդպիսին են մասնավորապես զանազան տաշտերը, պնակները, թասերը, զավաթները, կճուճները, սափորները, պուլիկները, ճրագները, խնդիրները, ամանների խիերը և այլն: Մորակավոր անոթները իրենց նախատիպերն ունեն հին արևելյան խեցեգործության մեջ, իսկ երկնագույն-մոխրավուն ջնարակով պատած անոթները, պնակներն ու թասերը, որոնց բազմաթիվ բեկորներ գտնվել են Արտաշատում ավելի մոտ են իրանական ջնարակած խեցեղենին, որը նշանակալից զարգացում ունեցավ, ինչպես Աքեմենյան (VI—IV դդ.), նույնպես և պարթևական (III դ. մ. թ. ա.—III դ. մ. թ.) թագավորությունների դարաշրջաններում:

Արտաշատում հայտնաբերվել են զգալի քանակությամբ հին զարաշրջանի գամբարաններ, որոնց մեջ ևս երևան են եկել բազմաթիվ ու բազմազան կավե անոթներ՝ ուշադրավ ձևերով

և մշակման առանձնահատկություններով: Չծանրանալով գրանց վրա, հարկ ենք համարում նշել մի հանգամանք՝ թաղումները հաճախ կատարված են կավե թրծած կարասների և դազաղների կամ սարկոֆագների մեջ:

Արտաշատի կարասային թաղումները վերաբերում են նախքան մ. թ. II-ից մ. թ. I դդ., իսկ կավե սարկոֆագով թաղումները՝ մ. թ. I—III դդ.: Սարկոֆագներ Հայաստանում բացվել են հին Վաղարշապատի դամբարանադաշտում, որոնք ունեն սովորական դազաղի և կրկնակողիկի ձև: Արտաշատում բացվածները պատկանում են երկարուկ, ոտքերի կողմում նեղացող դազաղների սովորական տիպին, բայց այստեղ երևան են եկել նաև մանկական փոքրիկ, ձվածիր, կողերը զեպի դուրս լայնացող տաշտաձև (վանայի ձևի) սարկոֆագներ, որոնց նմանները հանդիպում են Իրանի, ինչպես և Ազրբեջանի անտիկ դարաշրջանի դամբարանադաշտերում:

#### ԿԱՎԵ ԱՐՁԱՆԻԿՆԵՐ

Հունա-հելլենիստական աշխարհում բարձր զարգացման հասավ և լայն տարածում գտավ նաև կորոպլաստիկայի՝ կավե կամ տերակոտային արձանիկների պատրաստման արվեստը: Արձանիկները պատրաստվում էին կավե կաղապարների մեջ և թրծվելուց հետո սովորաբար ներկվում էին վարդագույն, կապույտ և այլ երանգներով: Դրանք աստվածությունների, մարդկանց և կենդանիների անհատական և խումբավական արձանիկներ էին<sup>18</sup>:

Կավե արձանիկները կիրառական արվեստի բավականին ուշագրավ գործեր լինելով, միաժամանակ ունեին պաշտամունքային, ծիսական և կենցաղային նշանակություն, պահվում էին տներում, նվիրաբերվում էին տաճարներին, սրբատեղիներին, գրվում էին հանգուցյալների դամբարաններում և այլն:

Հայաստանում կենդանիների և կանանց կավե արձանիկներ (առանց կաղապարի օգտագործման) պատրաստվել են գեոես հնագույն ժամանակներում (III հազարամյակ), բայց դրանք անմիջական կապ չունեն անտիկ դարաշրջանի արձանիկների հետ, որոնք պատրաստման եղանակով, տիպով, ոճով նաև նշանակությամբ ըստ ամենայնի բնորոշ են հունա-հելլենիստական աշխարհի մշակույթին: Մինչև Արտաշատի պեղումները, հելլենիստական բնույթի մի քանի արձանիկներ էին գտնվել Հայաստանում, որոնցից երեքը բերված են դրսից ու միայն չորսը ունեն տեղական ծագում և գտնվել են Արմավիրում, Գառնիում, Սպիտակի շրջանում: Արտաշատում քաղաքի և դամբարանների պեղումների ժամանակ հայտնաբերվել են մի քանի տասնյակ կավե արձանիկներ և նրանց բեկորները: Դրանք բոլորն էլ պատրաստվել են տեղում, որ երևում է ոչ միայն նրանց ոճական առանձնահատկություններից, այլև օգտագործված կավից, որը նույնական է տեղական խեցեղենի մյուս տեսակների կավի հետ:

Արտաշատի տերակոտային արձանիկները հունական-արևմտյան օրինակների կատարելությունը չունեն, սակայն աչրի են ընկնում տեղական առանձնահատկություններով և ինքնատիպությունով: Արտաշատի համար ամենասովորականը կանացի արձանիկներն են, իսկ վերջիններիս թվում մոր և մանկան արձանիկները, յուրօրինակ հորինվածքով: Մայրը նստած է գահույթի վրա, գլխին զցած քողը իջնում է մեջքին, իսկ մերկ մանուկը կանգնած է, հենված մոր կրծքին՝ մեջքով զեպի դիտողը (նկ. 20): Հետաքրքրական է, որ միշտ այդպիսին է Սպիտակի շրջանում գտնված արձանիկը, որը կարող էր և մայրաքաղաքից տարված լինել:

Մանուկը գրկած կանացի արձանիկները սովորական են եղել հելլենիստական աշխարհի շատ երկրներում: Այդպես են պատկերվել փոքր ասիական Կիբելա աստվածուհին, հունական Աֆրոդիտեն, Արտեմիսը, նաև Անահիտը, որի պաշտամունքը տարածված է եղել բացի Հայաստանից նաև Իրա-

<sup>18</sup> F. Winter, Die antike Terrakotten, Bd. I—III, Berlin, 1903.

նում՝ Մարաստանում: Արտաշատի արձանիկները թերևս պատկերում են հայկական Անահիտին և ուշագրավ են իրենց ինքնատիպությունը:

Մի այլ արձանիկ, որից միայն իրանն է պահպանվել պատկերում է մերկ կնոջ, որը նվագում է կրծքին հենակարային գործիքը՝ վին կամ ջնար (նկ. 21):

Ուշագրավ է, որ նման կավե արձանիկներ գտնվել են Միջագետքի հելլենիստական դարաշրջանի Սելևկիա քաղաքում<sup>19</sup>:

Կանացի այլ արձանիկներ ևս գտնվել են Արտաշատում և բոլորն էլ ունեն տեղական բնորոշ առանձնահատկություններ:

Արտաշատում գտնվել են նաև տղամարդկանց, գինվորների արձանիկներ: Իրենց արվեստով, ոճավորմամբ ավելի աչքի են ընկնում հեծյալների արձանիկները: Չիերը պատկերված են քառատրոփ վազբով կամ ծառս եղած վիճակում (նկ. 22): Վարպետները պատկերել են հեծյալի քամուց ծածանվող թիկնոցը, ձիասարքի, փոկերի վրա ամրացված մետաղի շրջանակաձև զարդերը: Ամբողջական պահպանված հեծյալների արձանիկներ դեռևս չեն գտնվել և պարզ չեն նրանք բացի կոնաձև գլխարկից սաղավա՞րտ, կամ այլ հարդարանք են կրել իրենց գլխին, սակայն վերին աստիճանի ուշագրավ է պատկերված հայ հեծյալ գինվորի զգեստավորումը:

Արտաշատում գտնված կավե արձանիկներից լավ պահպանված մի ձերուկի՝ հունական առասպելության մեկ հայտնի Սատիրի արձանիկը (նկ. 23): Այն պատկերված է հունական դասական արձանիկների ոճով, նստած, մի ձեռքով զրկած գինու տիճոր կամ տակառը. պատրաստված է տեղում, Արտաշատի կավից և ներկված է եղել բաց վարդագույն ներկով, որի հետքերը նկատելի են:

Պետք է ենթադրել, որ այդ արձանիկը պատրաստված

կամ արևմուտքից բերված կաղապարով, կամ էլ այդպիսի արձանիկից տեղում հանած կաղապարով: Ինչևէ այդ արձանիկը համապատասխանել է Արտաշատի բնակիչների, մանավանդ հարևան երկրներից Հայաստանի քաղաքները, դրանց թվում և Արտաշատ վերաբնակեցված քաղաքացիների պահանջներին և ճաշակին:

Արտաշատում գտնված կավե արձանիկները, բացի Սատիրի արձանիկից, աչքի են ընկնում գեղարվեստական ցայտուն ինքնատիպությամբ և հին հայկական կիրառական արվեստի շատ ուշագրավ գործերն են:

Ինչ վերաբերում է Արտաշատում գտնված կավե արձանիկների ժամանակին, ապա կարելի է ասել, որ նրանք երկվան են գալիս I—III դարերի շերտերում նույն դարերի խեցեղենի և հնագիտական այլ նյութերի հետ միասին: Հատկանշական է, որ № 1 բլրի վրա, որտեղ կյանքը ընդհատվել է մ. թ. 59 թ., հռոմեացիների կողմից քաղաքի ավերման հետևանքով, ոչ մի կավե արձանիկ չգտնվեց:

## ԱՊԱԿԻ

Անտիկ դարաշրջանի ապակեզեն զգալի քանակությամբ հայտնաբերվել է Գառնիում, հին Վաղարշապատում և Սովետական Հայաստանի մի քանի այլ հնավայրերում<sup>20</sup>: Արտաշատում երևան եկած ապակեզենի քանակը դեռևս մեծ չէ: Արտաշատի № 1 բլրի վրա հայտնաբերվել են ապակյա թանկարկի բեկորներ կապույտ, բաց երկնագույն, դեղին և շագանակագույն երանգների: Դրանք պատրաստվել են գրոշմելու եղանակով, հավանաբար տեղում, ուստի և ինքնատիպ են: Փշելու եղանակով պատրաստված ապակու հետքեր այս բլրի վրա երևան չեն եկել և դա միանգամայն հասկանալի է,

<sup>19</sup> W. Ingen, *Figurines from Seleucia on the Tigris*, London 1939. Catalogue № 546, 555, ադ. XXXVIII, 275, 278. Այս գրքում բերված են նաև մոր և մանկան, ինչպես և հեծյալների զգալի թվով արձանիկներ:

<sup>20</sup> Բ. Ն. Առաբեկյան, Գ. Ա. Տիրացյան, Ժ. Գ. Խաչատրյան, *Հին Հայաստանի ապակին*, Երևան, 1969:

քանի որ ապակեղենը փշելու եղանակով պատրաստելը, որն ապակեգործության մեջ հեղաշրջիչ նշանակություն ունեցավ, հին աշխարհում առաջ է եկել հին և նոր թվագրությունների սահմանագլխին կամ մ. թ. I դ. սկզբներին, իսկ № 1 բլրի վրա կյանքը ընդհատվել է դրանից քիչ հետո՝ նույն առաջին դարում: Այստեղ գտնվել է նաև ապակենման վառ կարմիր գանգվածից պատրաստված գդալ, վրան փորագրված է արամեերեն արձանագրություն, որը սակայն թերի է և դժվար ընթեռնելի: Ուշագրավ են նաև հաստ պատերով գունազարդ ապակու բեկորները, որոնք զարդարված են նաև շերտի տակ արված ոսկեզօծումով:

V—III դ. մ. թ. ա. Իրանում, Փոքր Ասիայում և հարևան երկրներում տարածված են եղել յայպես կոչված բազմանիստ կնիքները, որոնց վրա փորագրված են լինում հեծյալ և հետիտան զինվորների մենամարտի և այլ տեսարաններ, ձիերի, կենդանիների ու գազանների պատկերներ<sup>21</sup>:

Բազմանիստ կնիքների վաղ օրինակները V—IV դ. մ. թ. ա. պատրաստվել են քարից, մեծ մասամբ լազուրիտից, շուտով նաև ապակուց, որին տրվել է նույն կապույտ գույնը: Նման կնիքներ Հայաստանում ևս գտնվել են<sup>22</sup>, մի օրինակն էլ մուգ կապույտ ապակուց գտնվեց Արտաշատում՝ նույն № 1 բլրի սենյակներից մեկում և վրան փորագրված է ձիու պատկեր: Այդ կնիքը ոչ ուշ քան մ. թ. ա. II դ. գործ է և հավանաբար պատրաստվել է տեղում:

№ 7 և № 8 բլուրների վրա, որտեղ կյանքը շարունակվել է նաև հետագայում՝ մինչև մ. թ. ա. IV դ., ինչպես և I—III դդ. դամբարաններում փշելու եղանակով պատրաստված ապակեղեն արդեն հայտնաբերվում է:

Արտաշատում գտնված ապակեղենի քանակը դեռևս փոքր է, բայց նրա մեջ կան ինչպես ներմուծված սիրիական ա-

<sup>21</sup> A. Furtwängler, Die antiken Gemmen. Leipzig, Berlin, 1900, S. 1, ադ. XI, S. III, էջ 116—123:

<sup>22</sup> ժ. Խաչատրյան, Հայաստանում գտնված բազմանիստ կնիքները «Պատմա-քանասիրական հանդես» № 1, 1965, էջ 271—277:

պակյա սրվակներ, անգամ փշունիկյան կոշված սրվակի բեկոր, նույնպես և տեղական արտադրության սրվակներ:

Հայաստանում ապակեգործական արհեստանոցներ դեռևս չեն հայտնաբերվել, բայց հույս ունենք, որ Արտաշատի հետագա պեղումները կլրացնեն այդ բացը:

Ինչպես ամենուրեք, նույնպես և Արտաշատում անտիկ դարաշրջանի դամբարաններում հայտնաբերվում են ապակենման գանգվածից և ապակուց պատրաստված ուլունքներ, նշեր, որ ապակյա ուլունքների պատրաստումը շատ հին էրևույթ է, քան ապակյա անոթների արտադրությունը: Ապակյա ուլունքներ Հայաստանում գտնվել են դեռևս նախքան մ. թ. II հազարամյակի սկզբների դամբարաններից:

Արտաշատի պեղումների ժամանակ գտնվել է նաև մի հետաքրքիր իր: Դա բավականաչափ խոշոր աչք է, համարյա մանկան աչքի շափ, որի կենտրոնական շրջանակը (բիբլը) պատրաստված է ապակուց, իսկ սպիտակուցը մարմարից: Հետարվոր չէ որոշակի ասել, թե դա առանձին պատրաստված աչք է եղել զուտ հմայական նշանակությամբ, թե՞ արևանի վրա դրված աչք, քանի որ դնովի աչքեր լինում էին:

## ՈՍԿՐԵ ԻՐԵՐ

Ոսկորը հնագույն ժամանակներից օգտագործվել է ինչպես գործիքներ, նույնպես և կենցաղային իրեր ու զարդեր պատրաստելու համար: Արտաշատում ոսկրե իրեր դեռևս քիչ են գտնվել: Դրանց թվում կան կիսամշակ ոսկորներ, ոսկրից լավ մշակված խողովակ, դանակի կոթ, ինչպես և փղոսկրից պատրաստված գավաթի մի բեկոր: Հավանաբար դրսից ներմուծվել է գավաթը պատրաստի վիճակում:

Հնում շատ սովորական են եղել վեզերը (ոչխարի և խոզի ճաներ), որոնք ավելի վաղ շրջաններում ունեցել են նաև հմայական նշանակություն, իսկ հետագայում ծառայել են ցերեզանցապես իբրև խաղալիք:

Արտաշատում վեզերը (ձաներ) շատ հաճախակի են երևան գալիս և՛ շենքերում և՛ դամբարաններում: Հետաքրքրական է, որ սենյակներից մեկում գտնվեց բրոնզից ձուլված մի վեգ: Պետք է ենթադրել, որ անտիկ դարաշրջանում վեզերը դեռևս չէին կորցրել իրենց հմայական նշանակությունը:

## ԳՐԱՄՆԵՐ

Քաջ հայտնի է, որ առևտրին և երկրի անտեսական զարգացմանը նպաստելու համար Տիգրան Բ և նրա հաջորդները<sup>23</sup> կտրել են արծաթե և պղնձե կամ բրոնզե դրամներ<sup>24</sup>: Տիգրանի օրոք դրամներ կտրվել են Արտաշատում, Տիգրանակերտում նաև բուն Հայաստանից դուրս՝ նրա ընդարձակ պետության այլ քաղաքներում, մասնավորապես Ասորիքի (Միրիայի) մայրաքաղաք Անտիոքում, Դամասկոսում, թերևս նաև Հյուսիսային Միջագետքի Մծբին քաղաքում: Մի քանի քաղաքներում դրամ հատելու փաստն ինքնին վկայում է, որ Տիգրան Բ թողարկել է զգալի քանակությամբ դրամներ, որոնք շրջանառության մեջ են գտնվել նրա ընդարձակ պետության մեջ ինչպես և հարևան երկրներում, որտեղ ևս նրա դրամները գտնվել են:

Արտաշատը, իբրև մայրաքաղաք, հին Հայաստանի դրամահատության զլխավոր կենտրոններից մեկն էր Տիգրան Բ-ի օրոք (95—56 թթ.), իսկ հետագայում, երբ ընդհարվելով Հռոմի հետ Տիգրանը կորցրեց իր նվաճած երկրները, մանավանդ նրա հաջորդների օրոք, դրամներ կտրվում էին գերազանցապես Արտաշատում:

Արտաշատի հնագիտական արշավախումբը ելնելով

<sup>23</sup> ենթադրվում է, որ պղնձե դրամներ կտրել է նաև Տիգրան Ա-ն:

<sup>24</sup> Տիգրան Բ-ն թողարկել է արդյոք նաև ոսկե դրամներ, թե ոչ՝ դեռևս մնում է անզօծված, քանի որ նրա պատկերով ոսկյա դրամները համարվում են կեղծված: Անզօծվածը լուծելու համար նոր փաստեր են հարկավոր:

պատմական այդ իրողություններից հույս էր առնում, որ պեղումների ժամանակ կգտնվեն տեղում կտրված դրամներ, և երկար սպասելու հարկ չեղավ: 1971 թ. պեղումների աշխատանքները կենտրոնացվեցին № 1 բլրի վրա և շարքորդ օրը պարսպին հարող մի սենյակի ներսի պատի տակ մոտ 114 քառակուսի մետր տարածության վրա գտնվեց դրամական զանձ, թվով 28 դրամ և պարզվեց, որ բոլորն էլ Տիգրան Բ-ի դրամներն են՝ մեկը մեծ քառադրամ, մյուսները փոքր դրամներ, բոլորի վրա էլ գրոշմված է մի երեսին թագավորի գիմանկարը (նկ. 24, 25), իսկ մյուս երեսին՝ Անահիտի հետ նույնացված սիրիական Տիխե աստվածուհու պատկերն է զետի ակին, ժայռի վրա նստած ձևերին զափնու ճյուղ, ոտքերից ներքև զետի աստու պատկերը: Այդ դրամները կտրվել են Արտաշատում, Տիգրանակերտում՝ «Արքայից արքայի Տիգրանի», իսկ Անտիոքում կտրվածքների վրա «Արքայի Տիգրանի» հունարեն մակագրություններով:

Հետագա պեղումները ցույց տվեցին, որ այն սենյակը, որի մեջ գտնվեց Տիգրան Բ-ի դրամների զանձը, եղել է դարբին-զինագործի արհեստանոց:

Այն հանգամանքը, որ գտնված զանձի դրամները կտրվել են տարբեր քաղաքների փողերանոցներում ցույց է տալիս, որ այդ դրամները եղել են շրջանառության մեջ: Մյուս կողմից զանձը միատարր է, այսինքն՝ բաղկացած է միայն Տիգրան Բ-ի դրամներից, ուրեմն կուտակվել է շատ կարճ ժամանակամիջոցում, թերևս զինագործի արտադրանքի համար կատարված վճարում է, գուցե և այլ են եղել զանձի այստեղ գտնվելու հանգամանքները՝ ի՞նչ իմանաս:

Արտաշատում գտնվել են նաև Տիգրան Բ-ի և Արտավազդ Բ-ի (55—34 թթ.) պղնձե դրամները, որոնք շրջանառության մեջ էին գտնվում երկրի ներքին շուկայում: Դրանք կտրված են տեղում՝ Արտաշատում և Արտավազդ Բ-ի դրամի վրա պարզ երևում է հունարեն A տառը, որը, հավանաբար, Արտաշատի փողերանոցի նշանն է:

Արտաշատը մ. թ. 183 թ. կտրել է նաև սեփական՝ քա-

դաքային դրամ, որի մի երեսին Տիխե-Անահիտի պատկերն է, իսկ մյուս երեսին՝ հաղթանակի աստվածուհի Նիկեի, շուրջը գետեղված ΑΡΤΑΕΙCΑΤΩΝ ΜΗΤΡΟΠΟΛΕΩC Արտաշատ, մետրոպոլիս (մայրաքաղաք) հունարեն մակագրությունը: Այդ դրամը գտնվել է պեղումներից շատ առաջ և պահվում է Հայաստանի պետական պատմական թանգարանում (նկ. 1):

Արտաշատը առևտրական լայն կապեր է ունեցել տարբեր երկրների հետ ուրեմն այստեղ շրջանառության մեջ պետք է լինեին նաև այլ երկրների դրամներ: Եվ ահա, պեղումների ժամանակ դրանք երևան են գալիս:

Առաջինը գտնվեց Տիգրան Բ-ի աներ՝ Պոնտոսի Միհրդատ VI թագավորի (132—63 թթ.) պղնձե դրամը, կտրված Ամիսոս քաղաքում: Այնուհետև երևան եկան Հոտմեական վաղ կայսրության շրջանի (I դ. մ. թ.) պղնձե դրամներ սելևկյան Անտիոքոս էվերգետի (138—129 թթ.) արծաթե դրամը: Դրամների հայտնաբերման առումով ավելի արդյունավետ եղան 1972 թ. աշնանը № 1 բլրի վրա կատարվող պեղումները: Վերևում հիշատակված այն սենյակում, որտեղ դրված են եղել նավթով (մագնիսով) լցված կարասներ, գտնվեց 39 դրամ: Դրանցից երեքը 20—60 սմ խորությունից, 34-ը 1—1,30 մ խորությունից՝ հատակին թափված նավթի շերտի տակից և երկուսը 1,50 մ. խորությունից: Կարելի է ասել, այս դրամները, առնվազն դրանցից 34-ը, գտնվեցին գանձի ձևով: Արդյոք դրանք նավթի վաճառքից են գոյացել, որոշակի ասել դժվար է, բայց չի բացառվում:

Դրամներից երկուսը պղնձից է՝ մեկը գտնվեց համարյա մակերեսից 0,20 սմ խորությունից և հոտմեական Յգոստոս կայսեր անունով կտրված դրամ է, իսկ մյուսը՝ 1,10 խորությունից գտնվեց և հավանաբար նույնպես հոտմեական դրամ է (շատ է մաշված): 37 արծաթյա դրամներից 16-ը Ասորիքի (Միդիայի) Սելևկյանների կտրած դրամներն են, 13-ը՝ Կապադովկիայի (որը Հայաստանի արևմտյան հարևանն էր) դրամներ են, 6-ը՝ Իրանի պարթևական թագավորների կտրածներն են, մեկը՝ Ալեքսանդր Մակեդոնացու դրամի տեղական անհա-

րող նմանեցումն է և մեկը ավենական դրամ է: Դրանք ժամանակով վերաբերում են մ. թ. ա. II—I դդ. և միայն մեկ կամ երկու դրամ ավելի վաղ ժամանակի են (մ. թ. ա. III դ. վերջերին):

Հարևան և հեռավոր վեց երկրներում կտրված դրամների հայտնաբերումը պեղումների առաջին տարիներին ինքնին պերճախոս փաստ է, որը նշանավորում է Արտաշատի առևտրա-տնտեսական խոշոր կենտրոն լինելը: Հելլենիստական աշխարհի երկրների հետ Արտաշատի ընդարձակ կապերն են արտահայտում նաև պեղումների ժամանակ հայտնաբերված ներմուծված առարկաները: Դրանց թվում կան Միդիական սպակեղեն, փոքրասիական և հոտմեական խեցեղեն, միջերկրականի արևելյան զավառներից բերված արծաթյա գեղարվեստական իրեր, մարմարե անոթներ, վերջապես մարմարե արձաններ և այլն:

Արարատյան դաշտը, որտեղ գտնվում էր Արտաշատը, իր բարեբեր հողերով, այգեստաններով ապահովում էր այդ մեծ քաղաքի բնակչությանը ամեն բարիքով, մանավանդ Արտաշատը շրջապատված էր ագարակներով: Միայն գյուղատնտեսական արտադրության առումով իսկ Արտաշատը տնտեսական մեծ նշանակություն ուներ, իսկ պեղումները, թեև նոր սկսված, ցույց են տալիս որ նա միաժամանակ արհեստագործական և առևտրի խոշոր կենտրոն էր:

Մի կողմ թողնելով տրամաբանական ակնհայտ ճշմարտությունները այն մասին, որ Արտաշատում եղել են այնպիսի արհեստներ, ինչպիսին են ոստայնակույթյան (չուլհակույթյան), կաշեգործության, կոշկակարության և նման բազմաթիվ արհեստներ, միայն պեղումներով հայտնաբերված նյութերը հավաստում են մի շարք արհեստների առկայությունը Արտաշատում:

Շինարարական աշխատանքների հետ էին կապված բարկոփույթյունը, քանդակագործությունը, աղյուսագործությունը, որմնագիրությունը, շինարարական խեցեղենի (կզմինգրի ջրմուղի կավե փողրիկների) արտադրությունը,

կրագործությունը, սովադարարությունը (ոչ միայն կապով ալյե կրով, կավձով), որմնանկարչությունը, որն այն ժամանակ արհեստ էր համարվում: Մետաղագործական արհեստներից զարգացած էին զարբնությունը, գինագործությունը, \*պղնձագործությունը, ոսկերչությունը (ոսկյա և արծաթյա իրերի զարդերի պատրաստումը): Ոսկերչության հետ կապված մասամբ և ինքնուրույն արհեստ էր ականագործությունը, քանի որ ականագործները ոչ միայն ոսկյա և արծաթյա իրերը զարդարում էին ակնեղենով, այլև պատրաստում էին փորագիր պատկերներով կնիքներ, ուլունքներ ճարմանղներ և այլ առարկաներ ու զարդեր: Շատ զարգացած արհեստ էր կավագործությունը կամ խեցեգործությունը, ամեն տեսակի՝ սովորական, կամ փայլեցրած, նկարազարդված անոթների արտադրությունը: Հազիվ թե սովորական, գունազարդ, խեցեղեն, ջնարակած (գլազուրած) անոթներ, ինչպես և կավե արձանիկներ արտադրողները միեւնույն վարպետները լինեին: ամենայն հավանականությամբ, դրանք կավագործական արհեստի առանձին ճյուղեր էին:

Հայաստանում առաջացել էր ապակեգործությունը և մինչև առաջին դարը ապակեղենը պատրաստվում էր կաղապարի մեջ դրոշմելու և այլ հին եղանակներով, իսկ I դարից սկսած ապակեղենը պատրաստվում էր փչելու եղանակով՝ կաղապարի մեջ կամ առանց կաղապարի: Արտաշատում գտնված ինչպես հին, նույնպես և փչելու եղանակներով, պատրաստված տեղական ապակեղենը վկայում է, որ ապակեգործությունը նույնպես զարգացած է եղել այստեղ: Նկարազարդ խեցեղենի և որմնանկարների բազմազան գույներն ու երանգները վկայում են նաև ներկագործական արհեստի, իսկ մշակված փայտի և ոսկորի մնացորդները՝ հյուսնության և ոսկորի մշակման հետ կապված արհեստների առկայության մասին: Արտաշատում գտնված արվեստի ստեղծագործությունները նույնպես պերճախոս են:

Ամփոփելով մեր խոսքը կամենում ենք ընդգծել, որ Արտաշատը եղել է հին Հայաստանի ամենանշանավոր քաղաքը: Իբրև քաղաքամայր խաղալով երկրի վարչա-քաղաքական


գլխավոր կենտրոնի դերը, նա նույնքան նշանավոր է եղել իբրև խոշորագույն յոնտեսական՝ առևտրա-արհեստագործական կենտրոն: Արտաշատը եղել է նաև հայ մշակույթի և արվեստի գլխավոր օրրանը:

Արտաշատի պեղումները, որ սկսվել են 1970 թ. և շարունակվելու են երկար տասնամյակներ, անտարակույս կբացահայտեն հին Հայաստանի և նրա մշակույթի պատմության յստ անհայտ եղելություններն ու երևույթները:


ՆԿԱՐՆԵՐ




Արտաշատ մայրաքաղաքի դրամը, Տիխե-Անահիտի պատկերով,  
կտրված 183 թ. մ. թ.:




Պկ. 3. Պարսպի մնացորդների մի հատված, կառուցված խոշոր վեներով:



Նկ. 4. № 1 բլրի վրա բացված կառուցվածքների հատակագիծը:



Նկ. 5. № 1 բլրի վրա բացված շինությունների մնացորդները:





Նկ. 6. N 8 բլրի վրա բացված կառուցվածքների հատակագիծը:



Նկ. 7. N 8 բլրի վրա բացված բազիլիկի մնացորդները, վերին հատակի թրծած կապի քարանիստ հենակներով:



Նկ. 8. Սյունի քարեփակեր, Կոնստանդուպոլիս




Նկ. 9. Սյունների պաններ, Կրաքարից:



Նկ. 10. Բաղխաորի ոսբարարի:



Նկ. 11. Կանացի մարմարե արձան, II դ. վերջ—I դ. սկիզբ մ. թ. ա.:




Նկ. 12. Անտիկ երկանքի ներքին զար. բազալտ:




Նկ. 13. Քարե վազու:



Նկ. 14. Քարայծի արձանիկ, արձաթից:




Նկ. 15. Անոթի արձաթե կանթ, վերին մասում սիրո աստված Ամուրի արձանիկը:





Նկ. 16. Անոթի արձաթե կանթ, հիպոկամպի (ծովածխուկի) տեսքով:



Նկ. 17. Անոթի բրոնզե կանթ, հրեշի գլխով:



Նկ. 18. Ոսկյա պսակի տերևներ:



Նկ. 19. Գունազարդ խեցեղենի նմուշներ:



Նկ. 20. Տերակոտային արձանիկ, մոր և մանկան պատկերներով:



Նկ. 21. Տերակոտային արձանիկ, վրն կամ ջնար նվագող կին:



Նկ. 22. Տերակոտային արձանիկ՝ հեծյալ:



Նկ. 23. Տերակոտային արձանիկ՝ Սատիր:



Նկ. 24. Տիգրան II-ի մի քանի դրամներ, Արտաշատում գտնված գանձից, կտրված Արտաշատում, Տիգրանակերտում և Անախոբում:



Նկ. 25. Տիգրան II-ի դիմանկարը, Արտաշատում կտրված դրամի վրա:

ՀԻՆ ԱՐՏԱՇԱՏ

Տպագրվում է Հայկական ՍՍՀ ԳԱ  
ինագիտության և ազգագրության ինստիտուտի  
գիտական խորհրդի սրոշմամբ

ԲՈՎԱՆԳԱԿՈՒԹՅՈՒՆ

|                            |    |
|----------------------------|----|
| Արտաշատը մայրաքաղաք        | 5  |
| Արտաշատի տեղանքը և տարածքը | 11 |
| Պարսպի և շենքերի հետքերը   | 13 |
| Պաշտպանական միջոցներ       | 21 |
| Մարմարե արձան              | 23 |
| Քարե առարկաներ, սարքեր     | 25 |
| Մետաղագործություն          | 29 |
| Խեցեգործություն            | 31 |
| Կավե արձանիկներ            | 38 |
| Ապակի                      | 41 |
| Ոսկրե իրեր                 | 43 |
| Դրամներ                    | 44 |
| Նկարներ                    | 51 |

Պատասխանատու խմբագիր՝ Մ. Ս. ՀԱՍՐԱԹՅԱՆ  
Հրատարակչական խմբագիր՝ Լ. Ս. ՍԱՐԱՖՅԱՆ  
Նկարիչ՝ Հ. Ն. ԳՈՐԾԱԿԱԼՅԱՆ  
Լուսանկարները՝ Ա. Ն. ՇԱՀԻՆՅԱՆԻ, Ռ. Վ. ՀԱԿՈԲՅԱՆԻ և  
Գ. Կ. ԺԱՄԿՈՉՅԱՆԻ  
Տեխնիկական խմբագիր՝ Մ. Ա. ԿԱՓԼԱՆՅԱՆ  
Սրբագրիչ՝ Ռ. Ս. ՄԱՆՈՒԿՅԱՆ

ՎՋ 04048

Պատվեր 637

Տպաքանակ 3000

Հանձնված է շարվածքի 20/XII 1974 թ., ստորագրված է տպագրության 23/IV 1975 թ.,  
տպագր. 5,0 մամուլ, հրատ. 2,9 մամուլ, պայմ. 4,2 մամուլ, թուղթ № 1, 84×108<sup>1</sup>/<sub>32</sub>:  
Գինը 35 կոպ.:

Հայկական ՍՍՀ ԳԱ հրատարակչություն, Երևան-19, Բարեկամության 24

Издательство АН Армянской ССР Ереван—19 Барекамутян 24

Հայկական ՍՍՀ ԳԱ հրատարակչության Էջմիածնի տպարան